


# ULUYUNGU LWA LIYOKA

 Gwe Kyala, Kyala unkulumba nu gwamaka, Uyu abumbile ifindu fyosa na maka ga Mbepo Gwake, kangi atwele Yeso Kristi, Umwanaundumyana Gwake yumoywene ntiga, Uyu aafwile kisitakuhombigwa panongwa ya uswe twebonangi, Ungolofu panongwa ya basitabugolofu, ukutugomokesyela uswe kangi ku bwinitu ubuswigisye ubu ubu uswe tukabile kangi na Kyala, muno uswe tumanyisiligwe mu Lisyu ilisayigwa, ukuti uswe twaali nabo ubwinitu nayu Mwene bo ulwalo lwa kisu lukaligwa, “Bo indondwa syakulubunju simbaga palikimo, kangi abanabalumiana ba Kyala bakutaga panongwa ya buhobofu, kula kunyuma bo ulwalo lwa kisu lukaligwa.” Ngimba uswe tukumanya bulebule ukuti ako kakali kabalilo kamokene aka Kang’osi apyutigwege; ukuti akabalilo kako Kyala mminogono Gake amakulumba, alinkutubona uswe tukulalata kangi nukusangaluka mbupoki bwitu ukwisila mwa Yeso?

<sup>2</sup> Kangi, amayolo aga uswe tulinako itolo ukonjelanganila ulwimiko Ulwakyala ulukumba ulu lwisakusetuligwaga pa kwisa Kwake ukwakibili. Bosa ububine nu busulumanie bwisa kumalikaga. Akabalilo kala uswe twisakuyaga nu mbili bogu mbili gwa lwimiko Gwake Mwene, kabuno uswe twisakumbona Umwene muno Umwene ayilile. Apa akabalilo kako uswe tukuketa amaboko gitu gikufota, inywili syitu sikugwa imbuha, kangi ifibega fyitu fikugwila pasi, uswe tukusyagania ukuti uswe tubakufwa kangi tukubukaga ku lufumbi kuko imitu gyitu ginamile lilino, kangi kuko uswe tukufumulako. Loli, Ntwa Kyala, muno itolo naloliloli Ugwe yogwe Kyala, Ugwe gwafingile ulufingo ukuti uswe twisakusumukisyigwaga kangi mmasiku ababumalikisyo, kangi uswe tukwitika isi.

<sup>3</sup> Nukupelaikisa uswe tukwima nulwitiko lwito ikilo iki mu Kuyapo Kwako, tukwisa nubukifu panongwa yakuti Yeso atubulile ukuti tubombege ikyene. Somma pa kindu ikinunu kilikyosa iki uswe tubombile, panongwa yakuti uswe tubombile nakamo akagolofu; loli tukwisa nukwiysisya, tukuyoba ukuti tukabile ubukabi ubu panongwa ya ipyana Lyake ili liyabililigwe kwa uswe. Panongwa iyi, uswe tukwisa ukusuma ukuti Ugwe kutasayaga uswe ikilo iki pakutwala panja Iisyu. Kabuno ukwene kusimbigwe ukuti, “Umundu atisakuyaga nu bumi nu nkati gwene umma, loli ni Lisyu lililyosa ili likusoka ukufuma nkanwa mwa Kyala.” Kangi itikisyaga akanwa ka Kyala kayobigwege ikilo iki. Itikisyaga amasyu gasokege, kangi Ilyene lilibukaga pasi fiyo mu ndumbula syitu sya uswe, twebapilikisye, kangi twisusigwege na Mbepo Gwako kangi nu Kuyapo Kwako. Kabuno uswe tukusuma iki mu Ngamu ya Yeso. Amenii.

4 Umwi—umwisyugu kangu mmayolo—ikilo kyammayolo, ndigi, kangu umwisyugu uswe twáyobaga pa kimanyilo, kubwandilo, ukukipa untu, *Nongwa Ya Fiki Uswe Tukaya Kipangakipaguke*. Kangu uswe twákiyobile icyene naloli kyamaka, nongwa yafiki uswe tukaya kipangakipaguko, kangu fiki uswe tutikwitika mu fipangafipaguke. Pangonwa yakuti, uswe tukwaga isyene mwi Bangeli, ukuti ifipaguko fikalimikigwemo siku na Kyala; icyene kyalimikigwe nu mohesi. kangu twásisimikisye icyene ni li Bangeli. Kangu mumo ukuti, ukwisila fipangafipaguko, kukutwala ubusobi. Lilino uswe tukuyoba isi ukugolosya kangu ukukitwala ikitembe iki mbwinitu ukusyungutila pa Lisyu lya Kyala ilisayigwa. Ukuti, ulusubilo lwitu lukayengigwa pa ifi ifipangafipaguke fikuyoba, pamo ifi umundu aligwesa ikuyoba; ulwene luyéngigwe pa ifi Untwa Kyala ayobile. Kangu iyo yo njila yene iyi uswe tubagile ukugolosigwa naloliloli.

5 Kangu ulubunju ulu, une náli nu tundu tuhano, une ngusubila, utukindanekindane utu tufumile ukwisila mfipangafipaguke, ifi naloliloli fikayobigwamo mwi Bangeli, ifi ifipanga fya Protestant fikwinamila pasi ku fyene, kangu fikumanyisya ukuya fimanyisyo: ifindu filafila ifi unkwangale mama malaya, kipanga kya Katolika kikulumbilila, kangu kikusóka mu kipanga kya Protestant. Kangu uswe tukwinamila ku kindu kilakila, iki kikukanikana ku kulikosa mu Lisyu lya Kyala.

6 Ikipangakipaguke icyakwanda, uswe twakibalile icyene pa musu apa mu syambukulu sya batata ba Nicene, isya kipanga kya Nicene. Ukufuma papo abapostoli bafwege, pala ifi fisaga fya pa tata ba ku Nicene, kangu abene balinkukindilila pa fyinga fyingi. Ifyinga abamia batatu na malongo—mabili kubumalikisyo kulinkwisa ku—ku Nicene, France, kuko abene báli na—na lukomano lwa Nicene ulukulumba. Kangu mula abene balinkutendendeka ifimanyisyo ifi ifi ikipanga kya Katolika kilinafyo lilino, kangu kyope kipele ku ba Protestant.

7 Kangu muno une nayobiile icyene mu—mu nkumanyisyo ulubunju ulu, “Kilikyosa kya kimo mwa ngulilo sya kipanga ukufika mpaka ku yila—ku yila ingulilo ya kipanga kya Thessalonica, ifyinga abamia kalongo na bahano ifya ngulilo isyangisi, kakalipo akabalilo kamokene aka Umwene áyobilemo, “Ugwe ukáli ulinayo Ingamu Yangu.”

8 Kangu kulubafu ulungi ulu, abene bakalimo kangu umma mwa Kristi aba basókile mu ngamu ya kipangakipaguke, “Katolika, Luther, Wesley, Baptisti, Presbyteria, Pentekosti,” ukwikilila pasi.

9 Loli itolo bo akaali ukwigala ingulilo iyi Umwene alinkuti, “Une mbikile pa nkyeni pa myako ikifigo ikiguke.” Muketile? Kangu iyi yo ngulilo iyi uswe tukusubila uswe tulimo lilino,

ingulilo ya kifigo ikiguke, pakati pa kusoka kwa bumalikisyo ukwa kipanga kya Laodikiya.

<sup>10</sup> Kangi ifyene fyo katikati fyinja abamia batatu na malongo mabili-namahano ukubuka ku lukomano lwa Laodikiya. Kangi mula abene balinkuntwala uluko lwa ifi bo ku nyafilana, ukonelelana, kangi inyosyo isyabutungulu, aba mbepo mwikemo ababutungulu, fyo ifindu ifingi ifi. Abene balinkutwala ikyene.

<sup>11</sup> Kangi akabalilo kako Luther, pakuya mputi, kangi asokile ukufuma ku kipanga kya Katolika, balinkwisa nafyo ifi palikimo. Kangi ukufuma pala isaga Zwingli, ukufuma mwa Zwingli, isaga Calvin, ukufuma mwa Calvin, isaga Wesley, ukusoka, oko, ukusuluka pási. Kangi abene itolo balinkumilisa ukutwala ifimanyisyo ifi ukwisya. Kangi Kyala abagile bulebule ukulongosya ikipanga Kyake, na papo abene bikukonga injila isi Umwene siku akatwalamo ukufuma kubene ukubalongosya abene?

<sup>12</sup> Kangi kumbukilaga, mu Busetuli 17 uswe tummwagile “unkikulu.” Lilino, amasyu aga galipabwelu. Agene gasimbigwe mwi Bangeli, polelo une ngusubila une mbagile ukugayoba agene. Ukwene kuyobigwe ukuti unkikulu uyu áli “gwamalaya.” Uko kokuti umwene yo nkikulu mfumuke-mbubibi; ukuti umwene abagilile ukwegigwa ku nnyambala kangi umwene atulwaga ubuhuni ni kisu kya pasi. Kangi umwene ali ni . . . Umwene ali “MAMA GWA BAMALAYA,” kokuti umwene ali na banabalindwana. Kangi uswe tusimbile isi munjila ya mápu, ukuya mu . . . Ukuya mula, nimwene, ukukibona ikyene Mmasimbo, tukétile ifimanyisyo fyake, nafyosa, une ngwitika Untwa abatike nubupelesye pa lukindi ukuti iki kikabagile ukuya kindukingi loli kipanga kya Katolika. Iyi yo njila yene iyi ikyene kibagile ukuya. Kangi fiki iki ikyene kyapapile? Ifipanga fya Protestant. Katikati umwene abombile.

<sup>13</sup> Kangi umwene alinakyo nkiboko kyake ikikopo ikya bwalwa bwa bulogwe bwake, kangi umwene abapaga ikyene ku banyafyale aba nkisu. Kangi umwene ali ndagili gwa kisu kyosa, ukuyoba mwambepo. Isyo syo katikati syabwanaloli. Akayapo uyungi . . .

<sup>14</sup> Keta, unko uswe tugomokele kwa Daniyele nukwega ikifwani. Kiketa ikifwani: untu gwa golidi, ikitangalala kyaa Babeloni; unkuba . . . pamo siliva, Medes-o-Persia; unkuba, Alexander Unkulumba, ni fingi, ikitangala kya baGreek; polelo ikitangalala kya ba Roma, u Roma gwa Kubusókelolisuba na Roma gwa Kubwingililolisuba, amalundi mabili.

<sup>15</sup> Kangi ketesya mu ifitangalala kalongo ifi, ubu bukwisa katikati ni mbembe kalongo sila isi uswe twayobaga isya isyene ulubunju ulu, Mu fitangalala kalongo filimosa muno mwatupukaga, alimo kisulu numfu fifulugenie palikimo. Kangi ikisulu kila kyafumaga ku malundi, iki kyáli Roma.

Kangi kalipo akalwiho ka Kiroma kifuluganisigwe mu kikolo kilikyosa iki kiliko pasi pa Kumwanya, ukwisila ku kipanga kya Katolika. Isyo syo katikati syabwanaloli. Kangi abene bakabagila ukufulugania, kulikosa.

<sup>16</sup> Kangi abene bikwegana nu luko ulungi, pakati pa yumo nu yungi. Ili Bangeli liyobile abene bikubombaga. Kangi bakéta abene umwisyugu. Umwanako undumiana ikwenda nu ndindwana gwa Kikatolika; akabalilo kako abene bikubuka kukwegana, abene bikufimbilisigwa ukufinga ukuswila abana ku Kikatolika; muketile, kilakila pakusanusya. Muketile, ukwene ko kubongotola amaka ga yungi.

<sup>17</sup> Loli ikylene kyo fiki? Ili Bangeli likuyoba fyosa ifi bulogwe. Lilino, ugwe kubombaga kiliku? Isyo syo bwanaloli. Kangi muno ubonangi bwa bandu bwisa kuyatiligwaga. . . Uswe twábukile mu Kukumbusya-Ndagilo kangi nukunangisya ukuti umwana gwa pa lisu, umwana unsigwana, akabagile nukwingila kope nkilundilo kya Ntwa ukukinda ungulilo kalongo na ina. Kila kyali pasi pa lulagilo. Kangi Kristi álisile ukukusya ululagilo. Ngimba kikongelelapo bulebule lilino?

<sup>18</sup> Kangi fyo fiki ifi fikuboneka ku aba, fiki fitamisye na aba bafwalafyabulogwe aba bikubunabuna ndukindi umwisyugu, abakikulu abanini abakwesa-ngambo aba, kangi abafwala-ubundu, abalindwana abatumula-nywili, na bangi na bangi? Fitamisye fyo fiki na bene? Iyene yo nongwa yakuti u mama gwabo abombaga lulalula. Ukwene ko kuyatila ubonangi ukufuma ku ngulilo ukubuka ku yingi. Kyo iki ikylene kili. Kangi uswe tulinako akandu kaki? Uswe tufikile ku buyo ukwene ko kufulugania kwa nakimo loli ubwene ubonangi ubwabubwapufu.

<sup>19</sup> Iyo yo nongwa iyi Kyala atupwisye Russia kwisilia ni bomu lya atomic ukumpyagila umwene, bomumo mbutéko bwa iyolo bwayilile, akabalilo kako Umwene afyusyege amabingu. Naloliloli, Umwene abombile. Kangi ili Bangeli likuyoba bububo. Russia, ikisu ikisitakyala iki abene bali, basita kwitika kyala, bangele itolo naloliloli mmaboko ga Mwenemaka Kyala. Bo mumo Malafyale Nebuchadnezzar ali pakummonanga Israel panongwa yakuti abene bátoligwe ukwenda na Kyala, ukufyusiyigwa kwa Russia mmwanya fiyo “ukupyanikisya pa bikemo” ba kipanga kya Katolika, aba ililopa ili umwene ályonile ilya bikemo. Ili Bangeli liyobile bububo. Ikyene kikwegaga ikindu kilikyosa.

<sup>20</sup> Polelo keta apa, linga u mama gwabo áli ndindwana gwa kolasi, kangi umbuya gwabo, kangi u mama gwabo ali mfwalafyabulogwe, umwene yo fiki umusyugu? Abafwale ifyakulepula aba bikumoga-moga. Abanáke bikuyaga fiki?

Kangi ugwe kuyoba, “Kyala ngimba ikubomba ikyo?” Ena, nkulumba.

21 Kyala ikuyatila imbimbi sya bana, isya ngulilo, kope na ku ngulilo kalonga na ina. Kangi linga Kristi álisile ukukusya icyene, uswe tubagile ukuyoba “Ingulilo mia pamo ingulilo abamia-bahano.” Fiki, Umwene atile, “Abene abaiyolo, umwe mupilike abene bikuyoba, abene aba tubalilo utwaiyolo, ‘Ugwe komma ukugoga.’ Une nguyoba, ‘Umwe, aligwesa uyu akalele nu nkundwe gwake kisita nongwa, atalile agogile.’ Umwe mupilike abene bikuti, abene aba tubalilo twaiyolo, ‘Ugwe komma ukutula ubulogwe.’ Loli une nguyoba ukuti aligwesa uyu ukuketa pa nkikulu ukunonywa umwene atulilwe ubulogwe ngánila.” Umwene ápelile icyene. . . Ngimba *ukukusya* kokuti fiki? “Ukukipela icyene ukuya kinywamu kingikingi.” Kangi linga pasi pa lulagilo isyene syali ngulilo kalongo na ina, kakukindaga kabalilo katali bulebule panongwa ya kindu kimo kilakila umusyugu?

22 Kangi undumiana untubwa, nu mundu unnyambala-unkusi, kangi umundu umwegi bakaya nalo uluyindikó ku fingo sya bwegi bwabo. Fiki, abene bikwega itolo abakikulu nukwitugasya nabo kulikosa, kango fifwene itolo bo mmbwa isyaitolo. Imbwa yili nalo uluyindikó ulununuko kangi ulwiho ulununuko ukukinda ulu abandu bamo balinalo. Une mmenye ukuti amasyu aga makali fiyo, loli ikyo kyo bwanaloli.

23 Fiki? Kangi ifipanga fikubuka itolo nkyeni, kangi fitikuyobapo nasimo isya isyene. Fiki? Abene bikubomba mumo u mama gwabo abombelaga. Ifipanga fíngile ikilingo pakyene. Kabuno, ikipanga ni ikipanga kya Protestant iki kisokile ukufuma ku kipanga kya Katolika, imbibi sya kipanga kya Katolika sikuyatiligwa pa ba Protestant. Naloliloli icyene kyo iki, polelo indeko yikabagile ukukolela ketulo ukuti “yibwapwike.” Uko ko katikati kutalusya.

24 Lilino uswe tukusyagania, kangi mu Masimbo, uswe twásyagenie. . . Kangi une siku ngaketamo akakalatasi akasimbigwe pa kigemo apa ikilo iki. Une natile, “Nangisya une ubuyo bumobwene papo Kyala siku akimike ikipangakipaguke. Nángisya ubuyo bumobwene pápa Kyala alímikemo siku ndumbilili unkikulu. Nángisya une ubuyo bumobwene papo Kyala akwimikemo siku ukónelela. Nángisya une ubuyo bumobwene papo Kyala akwimikemo siku ukónelela. Nángisya une ubuyo bumobwene papo Kyala siku ali nayo yumo osigwemo siku mu ngamu ya ‘Tata, Mwana, Mbepo Mwikemo.’ Fyaga ifindu ifyo.” Kangi pópe uswe tukúmilisya ukubomba ifyene. Ikyene kili mumo pasi pa kipanga.

25 Lilino, une njobile kwa umwe, “Injila, pamo, inongwa iyi uswe tukaayaga ba Baptisti, panongwa yakuti uswe tukwitika ukosigwa mu Ngamu ya Ntwa Yeso Kristi. Akayapo nayumo siku mwi Bangeli alyosigwe mu njila iyingi. Ugwe nángisya une ubuyo bumobwene papo umundu yumoywene alyosigwe mu

ngamu ya ‘Tata, Mwana, Mbepo Mwikemo,’ Une ngufyusyaga amaboko gangu nukuyoba une ndi nsololi ugwabutungulu.”

26 “Kangi linga ili Bangeli likuyoba ugwe gubagile ‘ukosigwa mu Ngamu ya Yeso Kristi,’ ko kuti ugwe kufimbilisigwa ukubombela injila yila. Pauli alinkubalagila abene ukósigwa kangi. Kali yo njilanki abene balyóseligwe, abene bafumbilisigwaga ukwisa nukosigwa kangi. Abene balyosigwe nu nnyambala yulayula uyu alimmosisye Yeso Kristi; Yohani Umosi. Umwene alinkuti, ‘Ifyo fitikubomba imbombo mpaka lilino. Umwe mukufimbilisigwa ukwisa, yaga bósigwe kangi.’ Kangi abene balinkwifimbilisya ukubomba ikyene bo bakali ukwambilila Mbepo Mwikemo. Ulwene lwali lutendekesyo lwa Kyala.”

27 Une lumo ngumbepo panandipo pa ikyo, ikilo iki. Panongwa yafiki? Yeso ikukyunga i Lisyu Lyake. Ngimba umwe mukwitika ikyo? Lilino, kifuki aligwesa gwa umwe mwálipu ulubunju ulu, loli une ngulonda ukwala utuninipo pammwanya pa isyo.

28 Ngimba fiki Pauli alágil-...alagilaga ikyo bo ikylene kibómbigwe? Pauli alinkuti, “Pope nalinga Ugwandumi ukufuma Kumwanya ikwisa nukulumbilila ikindukimo ikinine, umwene ayege ngunigwe.”

29 Lilino, umwe mukuti, “Uswe tuli nabo Ubwelu ubupya pa iki.” Umma, umwe mukaya nabo. Ikyo kyo u mohesi isaga kwa Eva nakyo, nu Ubwelu bumu ubupya. Ugwe utikulondigwa Ubwelu ubupya umma. Ugwe kulondigwa ukwenda Mbwelu ubu Kyala abikíle nganila apa, ifyo fyo fyene itolo.

30 Lilino ketesya iki, itolo kipepe bulebule. Abene bo bikusuluka ukufuma ku Kyamba Kisyetuka, Yeso alinkuti kubafundigwa Bake, “Ngimba abandu bikuti Une ne Mwana gwa mundu yone ani?”

“Yumo alinkuti Ugwe gwe ‘Mose, pamo Eliya, yumo mwa basololi.’”

Umwene alinkuti, “Ywani uyu umwe mukuti?”

31 Umwene alinkuti, Peteri alinkuti, “Ugwe gwe Kristi, Mwana gwa Kyala gwabumi.”

32 Umwene alinkuti, “Nsayigwa yo ugwe, Simoni, mwana gwa Yona; panongwa yakuti umbili ni lilopa fikasetula iki kwa ugwe.” Muketile, ikylene kitikwisila ku sukulu. Ikyene kitikwisila mfipangafipaguke. “Umbili ni lilopa fikasetula iki kwa ugwe. Ugwe ukaamanyilemo siku iki ukwisila ku sukulu yiliyosa iya iyasyakyala. Loli Tata Gwangu uyu ali kumwanya yo aetwile iki kwa ugwe. Kangi pibwe ili Une nisakuyengaga Ikipanga Kyangu; kangi ifipata fya gahena fitisakukitola ikyene,” ubusetuli ubwamwambepo ubwa Uyu Umwene ali.

33 Ketesya, “Kangi nguyoba ukuti ugwe yówe Peteri. Kangi une ngukupagwa ugwe ifungulilo isya ku Kitangalala. Kangi

kilikyosa iki ugwe kupinyaga pa kisu, Une ngupinyaga ikylene Kumwanya; kilikyosa iki kwabula pa kisu, Une ngwabulaga ikylene kumwanya.” Lilino, Umwene alinkufimbilisigwa ukwima Ilisyu Lyake kisita ikyo Umwene akáli yo Kyala. Lilino, kangi akabalilo kako Umwene abombege ikyo, amasiku manandi itolo ukufuma apa, Umwene alinkukomeligwa, alinkusyuka, alinkufyuka Kumwanya, kangi Peteri alinkwigula Inongwainunu pisiku lya Pentekosti. Ngimba umwene abombile ikylene? Umwene, naliloli, umwene abombile. Lilino, ketesya akabalilo kako umwene ábagile. . .

<sup>34</sup> Abene bosa babúgilaga abene, panongwa yakuti abene bálisisigwe na Mbepo. Abene balinkukoleligwa “bapaguke, babunguluka-belu,” pamo uluko lwa ngamu yimo bo yiyo. Kangi abene kangi basekaga kangi batigi, “Aba bikwite nuntu gwa ubwalwa.”

<sup>35</sup> Kangi Peteri bo imile pakati pabo, alinkufyusya amasyu gake kangi alinkuti, “Banyambala na bakundwe, pilikisyaga amasyu gangu. Pilikaga amasyu gangu kangi mumbilikege une. Aba bakagala bo mumo umwe mukwinogonela ukuti abene bali. Iyi yo itolo sala ya butatu iya lisiku. Loli iki kyo kila iki kya yobigwe nu nsololi Yoweli, ‘Kangi ukwene kwisa kubonekaga mmasiku agabumalikisyo ukuti Une nisakonelelaga u Mbepo Gwangu,’ kangi ifi Umwene ábagile ukuti asabombege pa bana Bake abalumyana, na bana Bake abalindwana, abambombo Bake, na bangi mu lisiku lila.”

<sup>36</sup> Kangi akabalilo kako abene balinkwanda ukuyoba iki, abene balinkukekigwa ku ndumbula syabo. Kabuno, abene bapilike unnyambala uyu akábamenye aba ABC bake, palema pali isi abene balinkufimbilisigwa ukumpilikila umwene, bamenye umwene ali nako Akandukamo nkati mmyake, kikumokya umwene, u Mbepo Mwikemo. Ukummwimika umwene? Fiki, ikylene kikufwanaga kugela ukusimisa umoto pa nyumba inyumano pisiku ilya mbepo. Ugwe ukaabagile ukubomba ikylene. Umwene alisisigwe na Mbepo Mwikemo. Kangi fyo fiki ifi umwene abombile lilino?

<sup>37</sup> Abene balinkuti, “Banyambala na bakundwe, tubombege fiki ukuti tupokigwe?”

<sup>38</sup> Lilino, nketesya Peteri, ugwe guli ni fungulilo sya ku Kitangalala. Muketile?

<sup>39</sup> Lilino, akabalilo kako Yeso asyukege ilisiku lya butatu, Umwene akáli nasyo ifungulilo sya Kitangalala kya Kumwanya. Ngimba umwe mumenye isyo? Umwene alinkuti, “Une ndi ni fungulilo sya bufwe na gahena,” soma ku Kitangalala, panongwa yakuti agene gapegigwe kwa Peteri.

<sup>40</sup> Lilino, Umwene alinkuti, “Peteri, kilikyosa ugwe kwabula pa kisu, Une ngwabulaga Kumwanya. Iki ugwe kupinya pa kisu, Une ngupinyaga Kumwanya.”

<sup>41</sup> Lilino, apa imilile ni fungulilo ukwigula ikindu ikisayigwa iki ku kisu kya pasi. Kangi apa umwene ali ni fungulilo mmaboko gake. Kangi abene bikulalusya, “Ngimba tukubombaga fiki ukuti uswe tupokigwege?” Lilino, kali ko kandu kaki aka abatumigwa bayobaga ukubomba, Kyala abagile ukukyitikisya ikyene Kumwanya, linga Umwene ampele umwene ubulagili bula.

<sup>42</sup> Lilino Peteri alinkuti, “Pinduka, aligwesa gwa umwe, kangi mosigwege mu Ngamu ya Yeso Kristi ku buswe bwa mbibi syinu, kangi umwe mwisakwambililaga ikyabupe kwa Mbepo Mwikemo.” Ngimba isyo syabwanaloli? Kangi iyo yo nongwa ifungulilo syasanwiike Kumwanya ku ngamu yiliyosa iyingi, injila yiliyosa iyingi—uluku lulilosa ulungi. Iyene yilinkusanusya pa kisu, kangi iyene yilinkusanuka Kumwanya, kisita ikyo Yeso akalímile ni Lisyu Lyake kwa Peteri. Kangi ubuyo bulibosa mwi Bangeli abene bosigwaga ukufuma apo, abene bosigwaga mu Ngamu ya Yeso Kristi. Kangi aba balyósigwe pabutasi, bifumbilisiyaga ukwisa kangi nukósigwa ukwandisya kangi mu Ngamu ya Yeso Kristi ukuti bambilile Mbepo Mwikemo. Uko ko kutalusya. Ikyene kikáli kikwenda lulalula.

<sup>43</sup> Polelo, linga uswe tukumanyisya ulosyo mu ngamu ya “Tata, Mwana, kangi Mbepo Mwikemo,” ubwene busololu bwabutungulu. Lilino, une ndikulonda ukukufulasya ugwe, loli une ngufimbilisigwa ukusomekela pasi ukuti ikipanga iki kikumanyaga fiki. Uswe tukaya apa bo kibugutila kya babulu ndeko ndepuke umma; uswe tumenye apa twimililepo mu Lisyu lya Kyala. Muketile, uswe tumenye. Une ngusania aligwesa ukunsosolela une pabuyo papo aligwesa alyosigwemo siku mu ngamu ya “Tata, Mwanundumiana, Mbepo Mwikemo.” Lilino, ngimba umwe mukupilikilaga ubusololi ubwabutungulu pamo ku Bwanaloli? Londesya Mmasimbo. Ikyene kili kwa umwe.

<sup>44</sup> Nángisya une apa umundu yumoywene ntiga mwi Bangeli, papo ikipanga kyalimikigwémo siku ukuya kipangakipaguke mu li—mu li Bangeli. Nángisya une mwi Bangeli apa abene balimiikemo unkikulu ukuya ndumbilili. Nángisya une mwi Bangeli kuko ifindu fyosa ifi ifi uswe twayobaga isya ifyene fyalimikigwemo siku mwi Bangeli. Ifyene fikayamo mula. Mbula unu ubuyo bumobwene ntiga. Ugwe buka kipangakipaaguke. . .

<sup>45</sup> Mulimosa, akabalilo kako aba Methodisti batupukaga, abene balumbililaga ubwifyusi. Ikyo kyo kinunu. Loli akabalilo kako abene babombege ikyo, abene balinkupela ikipangakipaaguke, kangi ikyo kilinkumala inongwa. Iyo yo nongwa iyi i Libangeli liyobile, “Ugwe uli ni ngamu.”

Ugwe kuyoba, “Une ndi Nkristi.”

“Mulimosa, kyo kipangakipaguke kiliku iki ugwe kyako?”



46 Ugwe kuti, “U M’methodisti,” fiki, ugwe gwabulogwe kokuti. “Une ndi M’baptisti,” gwabulogwe. “M’pentekosti,” ugwe uli gwabulogwe. Ugwe guli gwa kipanga kila.

47 Ugwe kufimbilisigwa ukuya gwa Kristi. Ukaya ni mbombo nayimo ukuyoba, “M’methodisti,” “M’baptisti.” Linga ugwe guli Nkristi, ugwe guli Nkristi mundumbula.

48 Kilikyosa kya fipangafipaaguke fila fibagile ukutela abana, abana ba Kyala, isyo syo syabwanaloli. Loli akabalilo kako ugwe kwinozona ukuti kubukaga Kumwanya itolo panongwa yakuti ugwe ulu M’methodisti pamo M’baptisti, ugwe kusoba. Kangi iyi yo nongwa uswe tukwitugala kubutali ni kindu kila.

Ngimba fiki aba Baptisti bakabagila ukuketa?

49 Une nalindalusisye unnyambala gwa Kimethodisti apa, ikusimba ilibuku itolo pakaya patali umma. Umwene alinkuti, “Kindu kimokyene ntiga iki uswe tukindene na nugwe, ugwe kusyungutilasyungutula na Bapentekosti.”

Une ndinkuti, “Yo ani ‘uswe’?”

“Uswe, bá Methodisti.”

50 Une ndinkuti, “Mulimosa, une ngukubulaga ugwe iki une ngubombaga. Une ngwisaga ku kaya kako kangi ugwe ubitikisye aba Methodisti babikepo ihela pa kyene.”

“O,” atile, “ena, uswe tukabagila ukubomba ikyo.”

51 Une ndinkuti, “Lilino, ikyo kyo une ninogona. Une ngwitugasya na ba Pentekosti panongwa yakuti abá Pentekosti bikwitika ikyene. Isyo syo syabwanaloli. Abene bikukikongesya ukusyungutula ikyene. Abene bo bene aba bikukwabamo umfunjo ukufuma mu kyene.”

52 Ngimba balinga aba babalila akapango kala mu kalatasi ya *Life* itolo lululu ulu isya kipanga kya Pentekosti? Ikyo kyo kisetuka ikikulumba ukukinda mu ngulilo iyi. Abene balinabo abakupinduka bingipo nkyinja kimokyene ukukinda ni fipanga fyosa ukubikigwa palikimo. Fiki? Mope mubusobi bwabo, Kyala ikubendesya abene pankyeni panongwa yakuti abene bikwitika u Bwanaloli kangi bikwenda nkyeni nu Bwene. Ubo bo Bwanaloli.

53 Loli ngimba uswe tukubomba siliku? Muketile? Iyo yo nongwa uswe tukaya kipangakipaaguke. Kangi itolo naloliloli mumo aba Pentekosti bikupaaguka kangi. . .

54 Kula kunyuma fiyo kula akabalilo kako Mbepo Mwikemo alyonike akakwanda pa kipanga kya Pentekosti, ifyinja malongo mana ifi fikindile, kangi abene balinkwanda ukuyoba mu ndimi, kimo mu fyabupi. Ikyo kyali kyabupi ikinandi fiyo pa fyosa. Ikyo kyo kinandi fiyo pa fyabupi fyosa ukufwana na Pauli Mwikemo, itolo ukuyoba mu ndimi. Kangi bo ikyene kigwile itolo, “O,” abene bikuyoba, “uswe tulinakyo Ikyene lilino,” kangi abene

balinkupela ikipangakipaaguke, Ulukomano Ulukulumba, iki lilino kyo Assemblies of God. “O, akayapo uyu ali nakyo Ikyene pene papa ugwe kuyoba mu ndimi,” Kyala itolo ikwenda nkyeni itolo ukusokapo ukufuma pa bene, ukubaluka abene bitugasyege pala. Naloliloli. Ena, nkulumba.

<sup>55</sup> Ukufuma apo balinkwisa aba Oneness, kangu balinkulwaga ulosyo mu Ngamu ya Yeso. Abene balinkuti, “O, uswe tukyagile Ikyene,” abene balinkwibátika. Ngimba abene batigi babombege fiki? Kyala alinkwenda itolo panja nukundeka umwene itugesyege pala.

Ikyene kya “Aligwesa uyu ikulonda, ndeke umwene isege.”

<sup>56</sup> Muketile, aba Oneness bakabagila ukubuka ku ba Assemblies. Abá Assemblies bakabagila ukubuka ku ba Oneness. Une njobilemo na banyambala abanunu ukukinda aba abene bálínabo, Tata. Goth na Dr. Pope, kangu nabanyambala bingi. Abanyambala aba bo banyambala bakulumba mu. . . Une nalitugesyege pasi nabo abene. Une nátile, “Umwe mukumanyisya bulebule ikimanyilo ikyakwanda kila, bo mundu gwakubala mabuku?”

<sup>57</sup> “Mulimosa,” alinkuti, “Nkundwe Branham,” yumo, babili, pamo batatu ba abene bali naloliloli banalolimundumbula, alinkuti, “uswe tumenye ukuti ikyo kyabusobi, loli uswe tukubombaga kiliku? Linga uswe tukuyoba isya ikyene lilino, fiki, ikyene kikifuluganiaga ulwibatiko losa.” Naloliloli, kangu ugwe ukabagila ukuya ntiminkulumba kangu, undindililakipanga unkulumba. Iyo yo fundo.

<sup>58</sup> Nkundwe, une po kinunupo nje nakabutumigwe kanini pa nguto, pamo ndumbililege pasi pa kipiki kya paini, kangu nje nu Bwanaloli, naloliloli, kangu mmenye ukuti nguyoba u Bwanaloli. Umundu ukulonda u Bwanaloli. Kangu ugwe kufimbilisigwa, unkuya Nkristi, ukubikila ubuketi bwa Bwanaloli. Kyala isakukukolaga ugwe gwanongwa pa iki.

<sup>59</sup> Polelo, pa findu ifi, linga ugwe ukósigwa mu Ngamu ya Yeso Kristi, kangu ugwe ukábomba ifindu ifi, kangu ugwe ukámbilila Mbepo Mwikemo. . .

<sup>60</sup> Ugwe kuyoba, “O, une njobile mu ndimi.” Ikyo kitikusanusya ukuti ugwe guli nagwe Mbepo Mwikemo.

<sup>61</sup> Une ngetile abalosi abakikikulu, abámanjele, imiséano, kangu ni fingi fyosa fikuyoba mu ndimi. Naloliloli. Abene kikaya nayo u Mbepo Mwikemo, kangu ugwe umenye ikyo. Bikunwa ililopa ukufuma ku mutu gwa mundu umfwe, kangu nukumoga, ukunkolela sétano, kangu nukuyoba mu ndimi. Naloliloli. Abene bakaya nagwe Mbepo Mwikemo.

<sup>62</sup> Polelo, panongwa yakuti ugwe uyobile mu ndimi, ikyo kitikusanusya ukuti ugwe uli nakyo Ikyene. Injila yene ntiga iyi ugwe kumanyila ugwe uli nagwe Umwene, akabalilo kako

umbepo gwako ikubikila ubuketi nu Mbepo Gwake, kangu iseke sya Mbepo sikukonga ugwe: lugano, lwitiko, ukusangaluka, lutengano, ukusukulika-kabalilokatali, ubununu, ukwiyufya, ubololo. Apo po ugwe kumanya ugwe uli nagwe Mbepo Mwikemo. Umwene ikwibikila ubuketi Mwene.

<sup>63</sup> Lilino, akabalilo kako ugwe kugela ukwigemekesya pakuti ugwe guli gwa Assemblies, pamo ku ba Baptisti, pamo ku ba Pentekosti, ugwe keta ifi ugwe kubomba? Ugwe kwega ingamu ya gwabulogwe. Isyo syo katikati syabwanaloli. Sokamo mu kindu ikyo. Isaga ukubopa ku kyene. Une ndikuti ukufuma ku kipanga kyako pamo kilikyosa; ugwe bombaga kilikyosa ukufwana na ikyo. Loli sokako kukukolelela pa buyobe bwakuti, “O, une ndi gwa Presbeteri. Uswe tutikwitika mmasiku ga fiswigisyo.” Ngimba fiki umwe mutikwitika ikyene? Ili Bangeli likumanyisya ikyene. “O, une ndi gwa Church of Christ. Abene bikuti amasiku ga fiswigisyo gakindile.” Abene basololi ababutungulu.

<sup>64</sup> Une mbagile ukukunangisya ugwe apa Yeso Kristi apaga amaka kukipanga ukubumbulusya ababine, ukusyusya abafwe, nukukaga imisyetano. Une ngusania unnyambala aligwesa annangisye une i Lisimbo mwi Bangeli papo Umwene asosisyemo agene ukufuma ku Kipanga. Ngimba findufiki fyasosisyemo ikyene? Ifimanyisyo fyinu mwebene, bwanaloli, soma Iisuyu Iya Kyala. Mbepo Mwikemo akaali ikubomba imbombo, ikukindilila nkyeni itolo lulalula, kangu Umwene isakubombaga isi syepwa.

<sup>65</sup> Iyo yo nongwa uswe tukaya kipangakipaaguke, “Ukuya nu luko lwa bunyakyala, loli ukukana a Maka aga galimo; ukufuma ku bababa sindaga inyuma.” Uswe tutikwitika mu findu ifyo.

<sup>66</sup> Lilino, ngimba ikyene kyalvandile bulebule? Uswe tukufimbilisigwa ukwenda mbibimbibi nu kwisa ku kyene mwambibimbibi mumo sibagilile lilino, mumo ikyene kyalvandile. Lilino, uswe tulinago a Masimbo ga mingi gasimbigwe apa ukufwana na Mbepo Mwikemo.

<sup>67</sup> Kangu ikindu ikingi, uswe twasasenie ikilo kya mmayolo pa “bufisalyoyo bwa bikemo,” somma mumo aba Baptisti bikwitikila ikyene. Umma, nkulumba. Une naloliloli ngukindana ba ba Baptisti kangu ifundo yabo, nikimanyisyo kyabo kya Calvinisti. Une naloli ngukanikana na ba Presbeteri. Une ngukanikana na ba Methodisti pa njila yabo iya kimanyisyo kya ki Arminian. Ena, nkulumba. Loli bosa babili balibo ubwanaloli, loli abene babagisenie ukufitwala palikimo kangu *Muno* kuko buliko u Bwanaloli. Akabalilo kako ugwe kubopa panja pala, ugwe kubopa bo kinyamana ni kyene. Naloliloli.

<sup>68</sup> Aba Baptisti bisaga, ukosya abandu banandi itolo apa munjila ya kwibisya; kangu undumbilili ikubosya abene, bahano na bana mwa bandu kalongo bikukwesa ingambo, bikugomokela

kula nu kwima nukusaala injuga, ukusála amanjele ikilo kyosa, ukwendendeka ukusyungutila, aba katangali na magendo; kangi bosa abakikulu bikufwala ibundu panja pala, bikwendendeka mu ngindi, kangi bikutumula inywili syabo, kangi—kangi ukukwesa, kangi ukuyoba, kangi kubusangaluke bwa ifyakulukaluka, kangi nukuyoba isunga imbwapufu. Ugwe kukikolela ikyo Kikristi? Kangi ugwe kwinogona ukuti ugwe gulinako ukupona kwa Bwilanabwila? Ugwe kubukaga ku gehana bububo. Ugwe ukabagila ukwisangalusya Kumwanya mu luko lulilosa. Naloliloli umma. Uko kukaya kupona kwa Bwilanabwila.

Loli akabalilo kako umundu apapigwe kangi mwa Mbepo Mwikemo . . .

<sup>69</sup> Kangi umwe ba Pentekosti, panongwa yakuti umwe munyelile mwanya, ukuyoba mu ndimi, kangi nukubopa ukwisanu-kubuka nkilundilo, ikyo kitikusanusya ugwe gulinako ukupona kwa Syepwa. Komma ukukibika iki siku muntu gwako. Somma, nkulumba. Ikyene naloliloli kitikuya. Panongwa yakuti umwe mumenye ukuti ubumi bwinu mwibene—bwinu mwibene bukubikila umwe ubuketi ukuti mukaya bagolofu na Kyala. Isyo syabwanaloli. Umwe mukaya bagolofu. Uko kukaya kupona kwa Bwilanabwila, kukáli.

<sup>70</sup> Loli une ngulonda mbalalusye umwe ikindukimo. Ngimba kulipo ukupona kwa Bwilanabwila? Ili Bangeli likuyoba bububo. Ili Bangeli likuyoba ingamu syitu syábikigwe mwa Buku gwa Bumi gwa Kang’osi bo ikisu kikandamo siku.

<sup>71</sup> Mumo une njobile ulubunju ulu, une nguyoba ikyene kangi. Unnyambala uyu asimbile akimbo, “Yalipo ingamu imbya yisimbigwe Kumwanya ikilo iki kangi iyene yangu,” ifundo yake yali nnuu, loli umwene ali nsobi Mmasimbo. Ingamu yako yikabikigwe ikilo iki ugwe gwapokeligwe.

<sup>72</sup> Ingamu yako, ukufwana nili Bangeli, ukufwana na Ubusetuli 13, 17 na pangi, “yábikigwe pala bo ikisu kikalyandilemo siku; kangi Yeso Kristi ábyutuligwe bo ulwalo lwa kisu lukáligwa.”

<sup>73</sup> Ngimba Kyala bulebule, Uyu yo nsitampaka, abagile bulebule Kyala unsitampaka, ikumanya kubumalikiyo ukufuma kubwandilo, abagile bulebule Umwene ukwitikisya ubonangi ukwisa pa kisu, linga ukwene kukali kwa fifukwa?

<sup>74</sup> Itolo ukufitula lilino ifindu fimo ifi uswe tuyobile. Ngimba kyali kyakwanda kiliku, Umpoki pamo umonangi? [Umunduyumo nkilundilo ikuti, “Mpoki.”—Nsimbi.] Mpoki, naloliloli. Ngimba kiliku iki kili na maka ukukindapo, u Mpoki pamo umonangi? Linga u Mpoki abagile ukwegapo ubonangi, Umwene yo ali na maka amakindepo. Mulimosa, fiki Umwene alinkwitikisya ukuti ubonangi bubonekege mbuyo bwakwanda? Ukunangisya ukuti Umwene áli Mpoki. Ngimba kyo kiliku iki kili na maka amakindepo, Umbumbulusyi pamo

ububine? Umbumbulusyi. Polelo fiki Umwene alinkwitikisya ukuti ububine bwisege? Ukunangisya ukuti Umwene áli mbumbulusyi. Une ngwipilika mwiputiputi lululu lilino. Ena, nkulumba. O, mwe! Ikyo kyo kyakubagilila Kyake.

<sup>75</sup> Yo nongwa iyi Umwene ikwitikisya indamio sisege. Yo nongwa iyi Umwene ikwitikisya ubusulumanie bwisege, ukunangisya ukuti Umwene yo busangaluke. Naloliloli, ikyene kyo iki. Yo nongwa iyi uswe tulikyo ikilo, ukusisimikisya ukuti palipo pa musi. Yo nongwa uswe tulinabo ubukalale, ukunangisya luliko ulutengano. Naloliloli, ikyene kyo ukuyenga nu kubongotola. O, Umwene gwakuswigisya.

<sup>76</sup> Lilino, ikyene kyalyandile bulebule? Uswe tukubukaga nkyeni ku kyene mbimbibi mumo uswe tubagile, ukuti ndingakabisyaga umwene ikilo kyosa. Lilino, kubagile ukuyapo ubwandilo bwa findu fyosa.

<sup>77</sup> Une ngulonda ukubalalusya umwene ikindukimo. Lilino, iki kibagile ukuya . . . Ugwe kifisaga itolo ikyene mu nyambi ya mwa vesiti. Umwe mutikufimbilisigwa ukubika iki palikimo ni findu ifi mukulya bwila. Loli pilikisya ku iki.

<sup>78</sup> Linga ugwe gwe kipeligwa kya bwilanabwila Syepwa, kokuti ugwe ukaali nabo ubwandilo pamo ukabagile siku ukuya nu bumalikisyo. Kabuno *Syepwa* ikufumila ku lisyu “ili likaya nu bwandilo pamo ubumalikisyo nabumo.”

<sup>79</sup> Ngimba umwe mutikukumbukila ikyene? Une njobile ulubunju ulu mumo Melekizedeki, akabalilo kako umwene aganege na Abrahamu ikufuma ku bukekanie bwa banyafyale. Kangi i Libangeli liyobile, mu Bahiburi 7, ukuti—ukuti “Levi ahombaga ifyakalongo kwa Melekizedeki akabalilo kako umwene ayege mumbapo ya gwise Abrahamu.” Abrahamu átelile Isaki; Isaki átelile Yakobo; Yakobo átelile Levi. Uyo áli yo gwise, mbuya, kangi ngatingati. Kangi akabalilo kosa aka Levi áli mu mbapo ya mngatingati, ili Bangeli linkutumfya umwene panongwa yakuhomba ifyakalongo kwa Melekizedeki. Mukuyoba isya Syepwa! Mwe, mwe! Umwene akayobamo siku, “Umwene abombaga iki mu nsyungulu; umwene ábompile nganila ikyene.” Ili Bangeli liyobile “Umwene ahompile ifyakalongo.” Amenii.

<sup>80</sup> Polelo, linga uswe tukwisila mu luseke ulwabwanaloli, akabalilo kako Pauli alumbililaga Inongwainunu une nálipo pala kangi ugwe gwálipo. Uswe twayaga pakubukamo mumo itolo nkabalilo kanandi itolo, mpaka ku mbulukutu syitu. Ketesya, isyo syo i Lisimbo likuyoba, kwa uswe, kilinkubuka nukubuka kunyuma kula.

<sup>81</sup> Inogona itolo! Levi; polelo Yakobo, ugwise; polelo Isaki, ugwise; polelo Abrahamu, ugwise; ungatingati gwake. Akabalilo kako Levi ayege mu mbapo ya mungatingati gwake, umwene ahompile ifyakalongo kwa Melekizedeki.

<sup>82</sup> Une ngulonda ukubalalusya umwe. Yo ywani uyu Yobu 27...38, akabalilo kako Umwene ayobege, “Gwali kugu ugwe akabalilo kako Une nalege inyalo sya kisu syaligwege? Akabalilo kako indondwa sya kulubunju sikobelege palikimo, kangu abanabalumiana ba Kyala balátege panongwa ya busangaluke?” Ngimba bo baliku bala abanabalumiana ba Kyala aba bakolomokaga panongwa ya busangaluke? Yeso ababulile abene ukuti, “Une nali nulusekelo na numwe bo ulwalo lwa kisu lukaligwa.” Uswe tukaya fipeligwa fya kabalilo. Uswe tuli fipeligwa fya Syepwa.

<sup>83</sup> “Nayumo umundu abagile ukwisa ku Myangu, penepapo Tata Gwangu ikunkwaba umwene. Kangu bosa aba bikwisa ku Myangu, Une ngwisakupaga abene Ubumi bwa Syepwa, kangu nukumfyusya umwene mmasiku ga bumalikisyo. Akayapo yumo abagile ukumpoka umwene ukufuma nkiboko kya Tata, Umwene ikumba abene kwa Une.” Ugwe kuyongaga bulebule?

<sup>84</sup> Uketile, ugwe guli nulutende. Ugwe kutila. Ugwe kwendendekaga ukusyungutila apa. Kangu uku ko kumo kwa fisisimikisyo ifinunu ifikinde nkisu kya pasi ukuti ugwe ukali ukabukako nakumo. Isyo syabwanaloli. Ngimba Kyala abagile ukukupoka ugwe bulebule siku linga Umwene. . .

<sup>85</sup> Balinga nkipanga iki babagile ukufyusya ifiboko fyinu, nukwitika ukuti Kyala nsitampaka? Ngimba umwe mumenye iki amasyu *nsitampaka* gikusanusya? Ikyo itolo kipelelesye. Nsitampaka, ugwe ukabagila—ugwe ukabagila ukulingisania ilisyu *nsitampaka*.

<sup>86</sup> Ngimba gwegilemo ikamera yako nukuyitendeka pa nsitampaka? Fiki, ikyene kikusanusya itolo ukufuma pala ukubuka kula. Syosa silikanunu. Yikayapo injila ya kutendekela iyene kangu umma.

<sup>87</sup> Mulimosa, umo mo mumo Kyala áyilile. Umwene nsitampaka. Kangu linga Umwene nsitampaka, pakabagila ukuyapo kabungulusyamafi, komma imbwele, komma imbaninga, komma imbeba, komma indupa, pamo nakamo aka kali siku nkisu, pamo kamo aka kisakuyamo siku, loli kene kako Kyala ákamenye akene bo ikisu kikáli kikapeligwemo siku. Kulipo ukwinogona kumo ukwa ubusitampaka.

<sup>88</sup> Mulimosa, polelo, Kyala nsitampaka Uyu ikukupoka ugwe apa, amenye ukuti Umwene ikukutagaga ugwe undungu gwa kilabo, pamo umwesi gwakilabo, pamo ikyinja kya kilabo, fiki, Umwene ikubutola bubwigane bulabula. Umwene akabagila ukukutaga ugwe. “Umwene uyu ikupilika a Masyu Gangu, kangu nukummwitika pa Umwnene uyu álindumile Une, ali nu Bumi bwa bwilanabwila kangu atisakwisamo mu Bulongi siku, loli akilenie ukufuma ku bufwe ukubuka ku Bumi.” Akabagila ukubomba ikyene. Ugwe akabagila kangu. . .

<sup>89</sup> “Uyu apapigwe mwa Kyala atikutulwa ubonangi; panongwa yakuti uluseke lwa Kyala lukusyala mu mwene, kangi umwene akabagila ukonanga.” Umwene ikonangaga bulebule napapo kilipo icyabupi-kyabonangi?

<sup>90</sup> Ngimba une nguyaga mbine bulebule napapo ndikanunu mbupelelesye? Ngimba une nguyaga mfwamaso bulebule napapo nguketa? O, mwe! Ngimba une nguyaga bulebule nkati nnyumba iyi kangi nukuya panja pa nyumba iyi akabalilo kamokene? Ngimba une nguyaga bulebule kinwelwa nukuya ndembuke akabalilo kamokene? Ugwe ukabagila ukubomba iki.

<sup>91</sup> Kangi akabalilo kako ugwe upokigwe, ugwe guli pasi pa Lusayano, kangi ubonangi bwako butikubikigwa kwa ugwe. Ngimba Daviti akáyobile, “Nsayigwa umundu uyu Kyala atikusyagania imbibe syake, kangi atikubika ubonangi kumwene”? Kyala atikukolela ubonangi kukipeligwa Kyake. Ago masyu manyamu. Ulu lukuya lukama lwa pamwanya. Loli ilyo Libangeli. Kyala atisakubika ubonangi ku bikemo.

<sup>92</sup> “Kyala,” mu lipyana Lyake, ukwisila mu kutendekelanganila, “kisita kulonda ukuti yumo apyutigwege, loli bosa bisege ku lupinduko.” Loli pakuya nsitampaka, nukumanya aba bikwisaga na aba batikwisaga, Umwene abagile ukutendekelanganila filifyosa ku mbombo ya bwigane Bwake. Linga Umwene akaabombile ikyo, fiki Umwene itikisyaga ubonangi mbuyo bwakwanda? Akabalilo kako umwe ali Mpoki. . . Linga kwatigi kungayagako siku umonangi, Umwene ángali akaya Mpoki umma; icyakubagilila, iki kyáli mwa Mwene, ángali kikakwabigwamo umma.

<sup>93</sup> Ngimba Umwene ayaga bulebule Mbumbulusyi? Ngimba Umwene ayaga bulebule mbumbulusyi? Panongwa yakuti Umwene alitikiisye ububine ukwisa, ukuti Umwene abagile ukwinangisya Mwene ukuya mbumbulusyi. Umwene áli mbumbulusyi. Ngimba ugwe kuyaga bulebule siku. . . Ngimba Umwene ayaga pakumanyigwa siku bulebule? Ngimba icyakumbagilila Kyala kyayaga pakubombamo siku bulebule? Ngimba Umwene ayaga bulebule mbumbulusyi, linga pakalipo ububine siku umma? Umwene alinkufimbilisigwa ukwitikisya ububine.

<sup>94</sup> Yonongwa sitikuswigisya Pauli alinkuyoba ku Baroma 8, “Gwemundu ntoyofu, ywani abagile ukumbula u—u mmbumbandeko ifyakubombapo ukufwana ni kyene; ywani, akabalilo kako umfu gukusumuka nukuyoba, ‘Ngimba fiki ukumbela, ugwe, une iki?’ Ngimba Umwene akáfyusisye Farao pa nongwa yiyiyi, ukuti Umwene abagile ukunangisya ulwimiko Lwake kula ku Igupti? Umwene ikúmika yuyo Umwene ikulonda, kangi ikugolosya yuyo Umwene ikulonda. Umwene akaya yuyo íganile, pamo yumwene uyu ikubopa, loli yo Kyala uyu ikunangisya ikisa.”

<sup>95</sup> Polelo ugwe ukaya nakyō nakimo ikyakubombapo pa kyene. Ugwe ukaya nako nakamokene akakubomba. Linga iliyene lípyana, linga ikyene kyabupi ikyaitolo, kakayapo nakamo ugwe ubagile ukubomba pa ikyene. Kyala akupele ikyene kwa ugwe, kangi ubo bwigane bwa Kyala. Ikyo kyo kindu iki Kyala atendekilenganila kwa ugwe.

<sup>96</sup> Ili Bangeli liyobile ukuti abene “batendekeligwenanganila ku bwan’ubulumiana kangi ni kilingo, banabalumiana ba Kyala, bo ulwalo lwa kisu lukaaligwa.” Polelo akabalilo kala Kyala apyugutulege Kang’osi, mminogono Gake Gene, bo ulwalo lwa kisu lukáligwa ukusisimikisya ifyakubagilila Fyake, iki Umwene ali; akabalilo kako Kang’osi agógigwe, uswe twagogigwe nu Mwene. Akabalilo kako i Lilopa Iya Kang’osi likoligwege mminogono Gake Mwene kunyuma kula bo ulwalo lwa kisu lukaligwa, ingamu yangu ni sinu syasimbigwe pa Buku akabalilo kalakala, fyosa mminogono Gake amakulumba.

<sup>97</sup> Umwene nsitampaka. Linga Umwene akali umma, fiki Umwene akwitikisya iki? Ngimba kyo kiliku ikyamaka, (mumo une njobile,) Umpoki pamo umonangi? Ngimba kyokiliku iki kili na maka ukukinda? Kokuti, ikyamaka manywamupo kyabagile ukwitikisya ikinandipo, kangi Umwene ikubomba ikyene panongwa ya lwimiko Lwake lwene. Akabalilo kako Umwene ampelege Lusifala, Umwene amenye ukuti umwene ukuyaga sétano. Kangi Umwene alinkukitikisya ikyene ukuti kiyeye pala ukunángisya ukuti Umwene yo Mpoki, u Kristi. Umwene alinkukiyitikisya ikyene ukuti kibombigwe injila yila.

<sup>98</sup> Lilino, ngimba ili Bangeli litikuyoba, ukuti, “ifindu fyosa fikubombela palikimo kubununu kubene aba bannganile Kyala”? Polelo fyo filiku ifi umwe mukutila?

Uswe tuliyaga mmwanyamwanya kangi  
nukubomba,  
Ni ndumbula ukwitendekesya ku bwite.  
Komma ukuya bo ng’ombe indundusigwe  
isyakimyemye, tukufimbilisigwa  
ukusumigwa nu kulambigwa!  
Kangi yaga mponjoli!

<sup>99</sup> Une nkiganile ikyo. Imaga mmwanya! Akalinganio kanandi aka kandulaga une bwila fiyo akabalilo kako une náli mwanike, kikuyoba bo ulu:

Aaliko undagili gwa ki Roma,  
Mmasiku ga Bulagili bwa ki Roma;  
Uyu apilike amasyu ga umpelakogo  
ugwalutende,  
Pankyeni pa nyumba ya mwalafyale ikuti:



“O, mbonile muno nkipiki kya sekelele,  
Akayapo yumo abagiile ukukisuguusya  
ikyene.”

“O, umma,” alinkuyoba umponjoli,

“Une nguyagaga injila pamo ngupelaga iyene.”

<sup>100</sup> Mwaketa lelo umwe. Ikyo kyo kotalusya. Linga i Libangeli ili likumanyisya ukuti Yeso Kristi yo yuyo mmayolo, umwisyugu, na bwilanabwila...Ikyene kikali kindu kipepe, akabalilo kako une nsokege ukufuma mu nkipanga iki ilisiku lila, kang'i aligwesa alinkumbula une *iki* kikubonekaga, kang'i *iky*o kibonekaga. “Ugwe kwegigwaga ukuya gwe mûmilisi, kang'i kwisakusopigwaga mubaminyololo, kang'i bosa abá kibugutila kya baganga bikulwanaga nanugwe.” Loli Kyala áyobile bomba ikyene. Ili Bangeli lyáyobile Umwene áli yo yuyo. kang'i lilino u moto gwa lusanio gukwaka nkisu kilikyosa pasi pa Kumwanya. Fiki? Imaga ku kyene!

Ngimba ugwe kwataga bulebule imbombo kila lisiku?

Ngimba ugwe uli nulutende pa mbombo iyi kuyága?

Ngimba ugwe ubwagil'ukwimikana ni mbombo iyi yili pankyeni pa myako?

Ngimba ugwe guli na minogono amakatale na gabwasi? (Une mbengene nafyo ifindu ifyo.)

Pamo ugwe kwimikana itolo ni mbombo iyi yili pankyeni pa ugwe,

Pamo ngimba ulutende lukwendelela ukwisila mu kyene?

Linga sili bo ulu, ataga ikindu ikinine iki ugwe kukyága,

Mukwisila ukwinogona ukuti ugwe kubombaga ikyene.

<sup>101</sup> Itugala ni kyene. Naloliloli. Gwiganega mu ndumbula bo yu Daniyele. Syalaga na Kyala.

<sup>102</sup> “Ngimba ko kugu fyosa ifi fyabonike? Ngimba ikyene kyabonike bulebule? Fiki fikupela abandu bo ulu? Fiki uswe tuli kifuki itolo ukonangika? Nkundwe Branham, lingania kwa une. Fiki fikukupela ugwe ukwinogona ukuti ikindu kyosa iki kibagile ukupyutigwa?” Ikyene kyapuputigwemo kamokene pabutasi (ngimba uko kotalusya?) mbubongotole bwa mógesyo. Lilino, apa fikwisa ifindu fimo ifisoloke. Kang'i uswe tukwitendekesyaga ukubala.

<sup>103</sup> Lilino une ngulonda umwe musanuke nanine lilino, kula mwi buku lya Bwandilo pa ntu gwa 3. Linga umwe mukulonda ukumanya kalikosa, une mbagile ukubanangisya umwe mwa buku gwa Bwandilo kuko inyiputulo silisyosa, kang'i ifya ism filifyosa, kang'i na filifyosa ifi uswe tulinafyo umwisyugu,

fyalyandile mu Bwandilo. Balinga bamenye ukuti u *Bwandilo* likusanusya “u bwandilo”? Naloliloli.

<sup>104</sup> Uswe tukukyaga ikipanga kya Katolika kubwandilo, Bebuloni, Nimrod umwatalwalo; uswe tukukyaga ikyene pakati pi Bangeli, uswe tukukyaga ikyene kubumalikisyo bwa i Bangeli; uswe tukwaga, ukugela ukutwala mumo abakikulu abalumbilili ku bwandilo bwa i Bangeli, mukwisila ukwiputa ififwani ifinini ifi fyapeligwaga ukufuma ku misisi. Ngimba balinga babalile isyambukulu isya *Two Babylons* gwa Hislop, isya mmbukulu? Umma ndaga. Ketesya mu syambukulu isi. Abene bali nu nkikulu...Kangi polelo, ngimba umwe mukukumbukila? Yope Yakobo alinkwiba abakyala bagwise, kangi umwanake undindwana alinkufisa pasi pa mwene kangi alinkusosya abene kula ku matengele, iki kyabwapulaga ubugonelo panyuma pake. Umma ndaga.

<sup>105</sup> Tulibala uswe lilino mu Bwandilo.

*Lilino, iliyoka ali nkomu ukukinda ifinyamana fya mungunda ifi NTWA Kyala apelile. Kangi umwene alinkuyoba kunkikulu, Ena, ngimba Kyala ayobile, Umwe mutisakulya ifyakufuma nkipiki kilikyosa ikya mungunda?*

*...unkikulu alinkuyoba ku liyoka, Uswe tubagile ukulya iseke isya fipiki ifya mu ngunda:*

*Loli ikya seke isya mpiki...ugu guli pakati pa ngunda, Kyala ayobile atile, Umwe mutisa kulya umma ifya ugwene, somma umwe nukugupalamasya ugwene, kisita apo umwe mukufwa.*

*Kangi iliyoka alinkuyoba ku nkikulu, Umwe mutisa kufwa naloliloli:*

*Panongwa yakuti Kyala amenye naloli ukuti ilisiku ili umwe musalyege ukufuma muno, akabalilo kalakala amaso ginu gisakwiguka, (muketile, ukufwima u Lumuli ulupya), kangi mwisakuyaga bo bakyala, ukumanyaga ubununu nu bunyali.*

<sup>106</sup> Muketile mumo abinitu aba bayilile umwisyugu, ukusosyamo mwi Bangeli? “Fiki, ngimba ikyene kikaya kipepe itolo ukonelela, pamo ukunyafila, injila *iyi* pamo injila *yila*?” Umma, nkulumba. Kyala abikile ulubatiko, kangi ulo lo uswe tubagile ukukongesya, *Ulu*.

*Kangi akabakilo kako unkikulu akibonege ikipiki kyali kinyafu ku fyakulya, kangi ukuti ikyene kyali kimogi ku liso, kangi ikipiki iki kyapelaga...uku nyoyigwa ukumpela yumo ukuya gwamahala, umwene alinkwega isya seke ukufuma mula, kangi alinkulya, kangi alinkumpa yope ku ndume palikimo nayumwene; kangi umwene alinkulya naloli.*

*Kangi amaso gabo bosababili galinkwiguka, kangi abene balinkumanya . . . abene bali bwasi; kangi abene balinkusona amani ga mafilu palikimo, kangi abene balinkwipelela bene utwenda.*

<sup>107</sup> Une ngulonda nime apa pa kabalilo kanandi. Lilino, pabagile ukuyapo ubwandilo bwa kilikyosa. Ugwe gulinabo ubwandilo. Lilino uswe . . . Apa po apa une ngulonda ukwala ikindu kyosa, lilino, iki uswe tuyobilepo mu ngomano ibili isi syakindaga mu kyinja.

<sup>108</sup> Lilino, ulubunju ulu uswe twagomokilémo nukwegelela, mwi Bangeli, ukuti akabalilo kako Kyala apelege ikisu kya pasi, ukuti akabalilo kako Umwene apelege imbepo; kangi palapala imbepo sila silinkuya calcium na potash, kangi—kangi ifindu ifikindanekindane. Umwene ápelaga umbili gwako. Umwene álaga inyumba pasi, bo yu njengi unkulumba, ukufwana bo yu kontrakitala íkwala ingelwa nu tundu ukuyemba i projekiti ya buyenganyumba. Umwene ápelaga umbili gwako, kangi Umwene ályalile ugwene pala. Umwene amenye katikati mminogono Gake iki kyayaga pakubombigwa.

<sup>109</sup> Ikiboko iki, Kyala apelile ikiboko ikyo bo Umwene akali . . . akabalilo kako Umwene apelaga ikisu; loli, umbepo gwangu Umwene apelile bo kikayako ikisu. Lilino, loli ikiboko iki nu mbili ugu, Umwene ápelile akabalilo kako Umwene ápelile ikisu, 'nongwa yakuti u mbili ugu gwáfumile nkisu, kangi kukugomokelaga ku kisu. Kyala apelile ikyo. Umwene alinkwala ikyene panja pala mbupanganie Bwake ubukulumba kangi ulubatiko Lwake.

<sup>110</sup> Lilino, akabalilo kako Umwene abukege kukupela ikisu kya pasi, Umwene alinkupela unnyambala, kangi unnyambala ákaboneka itolo kanunu umma. Lilino uswe twali nabo ulubunju ulu, twakindilemo mu kwegelela, mumo u—u Tata alisile pasi nukunketa umwana undumiana Gwake uyu apeligwa nkifwani Kyake, kangi ni findu ifingi. Polelo Umwene alinkumpela unkasi, umwinake ugwakuntula.

<sup>111</sup> Lilino, kumbukilaga, ukuti ifipeligwa fya kisu kya pasi, Adamu afipele ingamu ifyene.

<sup>112</sup> Umwene alinkupela i—i ng'ombe ni finyamana, na fyosa. Kangi umwisyugu uswe . . . Ababalangulilo kangi—kangi aminogono amakulumba aga sayansi amakindanekindane gagelile ku fyinja ma elifu mahano na limo ukukyaga ikipinyilo iki kiyongile, fiki ikinyamana kila . . . Umundu yo bumi bwa kinyamana, uswe tumenye isyo. Ukuti uswe tupeligwe . . .

<sup>113</sup> Kangi unkikulu yo itolo kiyabo kya nnyambala, ikifumakukinine. Unkikulu akalimo mfipeligwa ifyapakwanda. Kyala alekile ukupela pa fyinja ni fyinja ni fyinja, mpaka Umwene alinkupela unkikulu ukufuma ku lubambo lwa pa lubafu lwake. Adamu áfipele ingamu ifipeligwa fyosa, filifyosa, loli

umwene akali nakamo pa yumwene. polelo Umwene alimkupela umwinakentuli; alinkwega ulupambo ukufuma ku lubafu lwake, alinkwigalapo ukoneka kwailopa, nukumpela umwinakentuli ku mwene. Kangi unnyambala mwa mbepo gwake ali fyosa fibili nnyambala nu nkikulu.

<sup>114</sup> Kangi unkikulu itolo kambakasya ka nnyambala. Kangi akabalilo kako unnyambala ikwiyegela mwene unkasi, kangi linga umwene ali naloliloli nkasi gwake, unkasi umpegwa-na-Kyala, umwene isakuyaga itolo kambakasya ka mwene.

<sup>115</sup> Iyo yo nongwa ugwe ulinasyo indamio sinyingi mbwegi, yo nongwa yakuti ugwe kubuka panja kangi kuketa akalindwana kamo aka kali na maso amamogi aga bulauni, pamo amaso ga bluu, pamo ikindikimo ikifwane bo ikyo, akasyungulu akamogi, kangi ugwe kugwila ku kene. Akabalilo kakwanda umwene ikuya nu mwana gwakwanda amino gala gikusoka, kangi umwene ikwanda ukuya ni nginya kangi nkangale, kangi polelo ugwe kulonda ukusonsya umwene panja. Kangi mwe bamo ba bakikulu umwe mukummwaga undumiana innini ni nywili syake apesile pasi, na sinda gwa kikopo kya mafuta ganna gabikigwe pa syene, kangi syolobene. Isyene sikakugwaga syosa pasi. Une mmenye isi ukwisila musyakukindamo. Loli fiki fikuboneka? Ngimba fiki? Ugwe kugwila ku ikyo.

<sup>116</sup> Ugwe kufimbilisigwa ukwiputa tasi, kabuno unkikulu yo kiyabo kya ugwe. Kangi ugwe linga kufugatila unkikulu ku ndufugato lwako, kangi nukumwega umwene ukuya nkasi gwako, kangi...Umwene ukubindikisya ubulabe pa ugwe. Uswe tukuyobaga bo ubu ukuti umwe mupilikisye. Kangi unkikulu aligwesa ukwimikana nu lufugato lula atisakufwana nububale bula. Kangi Kyala isakumelelaga ugwe panongwa ya iki. Ugwe itolo kumbukilaga iki.

<sup>117</sup> Ugwe gwe kwega unkasi gwa mundu yungi panja kangi. . . Une mbilike umwisyugu isya ndindwana unnini nkaya, akandu akanini akalondo. Une numenye umwene. Kangi ugwamanjele yumo ikumulila umwene imyenda iminywamu iminunu ni findu, kangi ukugela ukwegelela ngati ikundonda umwene bo lula. Imbebe yibagile ukubomba ikindu bo kila, yikabagila napandi ukwegigwa ukuya mundu.

<sup>118</sup> Umwe mumenye ukuti imbwa yope yikaya ya pasi bo lula umma, palema pali isi umwe mukuyikolela mama gwa imbwa ukuya “ndogwe-slati”. Iyene yilinako akayilo ukukindapo sinda gwa bakikulu bamu Jeffersonville ba nabo. Kangi umwe mukunkolela mama ngulube unkangale ukuya “ndogwe-sow,” kangi umwene akaya umma...Umwene alinako akayilo-po ukukinda abakikulu ba mu United States, bingi ba abene. Ikyo kyo katicati kyabwanaloli. Lilino, une mmenye ago masyo gapabwelu fiyo. Kangi une mbabulile umwe une nayaga pa kusya ikylene mpaka kifike kukaya, kangi une ngulonda

umwe mumanye ikyene. Kangi ikyo bwanaloli. Abene bosa, abakikulu amasiku aga, batikumanya ukuti akayilo fyo fiki. Bikuti, “Somma ukufulasya kundumbula yangu.” Mulimosa, ugwe ukayanayo nayimo. Ketesya. Ena, nkulumba. Akabalilo kako ugwe umenye ikigolofu ni kisobe kyo kiliku.

<sup>119</sup> Lilino ketesya. Unnyambala uyu, akabalilo káko umwene apeligwege, Kyala alinkutapulania umbepo gwake. Kangi Umwene alinkwega akayabo ukufuma kunnyambala, ku lubafu lwake, kangi alinkupela unkikulu ukufuma ku lwene. Kangi polelo Umwene alinkwega umbepo ugwakikikulu, ummogi ugwa nnyambala nukumpela unkikulu ukufuma ku lwene. Kangi Umwene unnyambala ukuya kinnyambala, kyaminywili.

<sup>120</sup> Kangi akabalilo kako ugwe kuketa u—u—u nnyambala uyu nnini. . . umwe mumenye, ikwipakapaka mu nyóbe, pamo kilikyosa iki ugwe kukikolela ikyene, mfyala fyake; kangi, ugwe umenye, nna ku lubafu lumo na ihano ku lubafu ulungi, kangi—kangi umwene ikumyalika inywilisyake pasi; kangi ikugukola undomo gwake bwasi pa nkyeni, ni findu bo ifyo; yumo mwa pa lumyana abamogi aba. Ugwe itolo kumbukilaga, asee, kilipo kimo kitamisyé ni njuni yila. Kilipo ikindukimo kitamisyé. Ugwe kinunupo bikaga amaso gake pa mwene.

<sup>121</sup> Kangi akabalilo kako ugwe kuketa unkikulu ali ni sigareti ba lubafu lwa kanwa kake, afwele na ba oovororo, kangi ikuyoba, “Une ngubulaga ugwe mwinangu, ukuti ikyene kyo fiki!” Nkundwe, ugwe ketesya unkikulu unkangale yula. Kilipo ikindukimo kitamisyá nu yu mwene.

<sup>122</sup> Unkikulu abagisenie ukuya nkikulu, kangi umwene abagisenie ukufwala bo yu nkikulu. Akabalilo kako Kyala ampelege unnyambala, Umwene alimpelile umwene kindu kimokyene, kangi Umwene álimpelile unkikulu ikindu ikingi. Kangi akabalilo kako Kyala ikufwika unnyambala, Umwene ikunfwika umwene injila yimo, kangi unkikulu injila iyingi. Kangi i Libangeli lyaayobile, “Ikyene yo mwiko unkikulu ukufwala umwenda ugu guliti bo gwa nnyambala.”

<sup>123</sup> Kangi umwe bakikulu, mukufwala utubundu utunini utu nu tundu, kangi mukufwala utwene panja apa, utunini utukulu. . . Mukutukololela ukuti fiki utwene, imitumba? Ubundu sya mmafundo. . .? Pamo to tufiki utwene. . .? Umma, umma, bakaya ba bundu umma, ikyene kyo kila, kili namalundi amatali mu kyene. [Ikilundilo kikuti, “Ififyukilo njinga.”—Nsimbi.] Ififyukilo—njinga kangi oovororo, mafyukilo.

Buka nkati kangi abene bikuyoba, “Ifi fya ba nakamba.”

<sup>124</sup> Une ndinkuti, “Umma, umwe mukusoba. Aba nakamba batikufwala ifindu ifyo. Abakikulu abaitolo babagile, loli komma aba nakamba’mma.” Uko ko kotalusya.

<sup>125</sup> Ili Bangeli liyobile, “Ikyene yo mwiko unkikulu ukufwala umwenda ugu guliti bo gwa nkikulu...kangi unnyambala ukufwala umwenda ugwabakikulu.”

<sup>126</sup> Kangi unnyambala ikukindililakindilila ukuya bo nkikulu, kangi abakikulu bikwisanusya fiyopo ukuya bakinyambala. Ngimba fitamisywa fyo fiki? Uswe tukusyaganiaga nkabalilo kanandi itolo, mwi Bangeli. Abakikulu bakaya bakikulu kangi umma. Une ndinkuti umwe bakikulu ba Kikristi umma. Une nguyoba aba bikubopa mosa umo. Abene bikulonda ukubomba bo banyambala; bikulonda ukutumula inywili bo banyambala; ukubika ikiboko kyabo pa kisulu bo ulu nukwimba *Kyala Nsayaga America*, ni sigareti isokile pa ngutu ya kanwa kabo.

<sup>127</sup> Bukaga ukusulukila ndukindi, ukugomokela panja bo lula ukwendesya iligali mu nsebwe unkulumba. Uswe twabalaga... Une ngulonda mbabule umwe ikindukimo. Kangi umwe bakikulu bendesyamagali, pilikisya. Billy Paul na une, pa lusasanio ulu lwakindaga ulu ulwa kusyungutila ikisu iki, imyesi mihano na gumo, une nasimbaga ukubala kwa busobi pa nsebwe. Kangi ukufuma pa busobi abamia batatu pa nsebwe, sakikisya ukuti bulinga bwa ubwene bwali bwa bendesyamagali ba kikikulu? Balipo itolo banandi... Kalongo na buhano na buna bwa ubwene bali banyambala. Kangi abamia babili na malongo mahano na matatu pamo, une ngusubila ikyene kyali, abamia babili na malongo mahano na matatu na bumobwene bwa ubwene bwayaga bendesyamagali ba kikikulu. Bendesyamagali bakikikulu! Lilino, une ndikuyoba bakayapo abendesyamagali abakikikulu. Loli umwene isakusanuka injila yili yosa.

<sup>128</sup> Kangi ugwe itolo ugele ukungomolela umwene? Umwene aliyaga itolo ikufwana ikubonekako kanunu kangi imile pala, ikuguta inywili syake mmwanya akabalilo kako abapolisi bikwisa pala. “Fiki,” umpolisi ábagile ukuyoba, “naloliloli, ugwe yogwe uli nsobi!” Hmm! Uswe tukaya nalo ululagilo umma.

<sup>129</sup> Abene básisimikisye ikyo ilisiku limo mu nongwa ya songo une bo itolo ngwisa ukukinda. Uswe tukaya nasyo indagilo. Linga silipo...

<sup>130</sup> Kisita kuswiga ukuti abatwa abakulumba ba England bayobile, “Demokalase gyo myenda gya ngalaba itolo, nyangula nayumo.” Uko ko kotalusya, bikwima pa kikatoni kya sopo ukusuma amavoti. Demokalase yibolile, kangi bope abalagili abamanya-syabo kangi na bosa ba abene. Kyosa ikindu hyosa kibolile. Kikayapo loli ikindu kimokyene kwa Kyala ukuti abombe, ko konanga ikindu kyosa mumo Umwene áyobile ukuti Umwene ikubombaga, nukwanda kangi mbupya. Lilino, ketesya mumo kifuki umwe muyilile ku Kwisa.

<sup>131</sup> Lilino akabalilo kako unkikulu uyu...Umwene alimpelile mwinakentuli, kangi umwene abagile ukuya mwinakentuli. Kangi polelo...

132 Lilino, apa, une ngaya nayo siku undumbilili ugwakwitikisyana na une pa iki mpaka na lilino. Kangi abene bikugela ukukupela ukuya njila iyingi, loli pope ikyene kitipilikisigwa kwa une umma. Abene bikugela ukuyoba ukuti Adamu na Eva balile ama apulo gamo. Nkundwe, linga. . . Une ndikuyoba ifi ukuti ngusunga'mma lilino, loli ngulonda njobe ikyene. Kabuno, linga ukulya kwa ma apulo kukupela abakikulu ukusyagania ukuti abene bali bwasi, uswe tulibapaga ama apulo kangi. Umwe mumenye ukuti uko ko kotalusya.

133 Umwe mumenye, ukulya apulo, ikyo kikaya kyo iki abene babobile umma, kyabapelile basyaganiege abene bali bwasi. Naloliloli, ukwene kukali'mma. Ukwene kwabagisenie ukwisa mukugonana. Ukwene kwabagilile ukuya, panongwa yakuti abene balinkusyagania ukuti abene bali bwasi akabalilo kako abene balyege iseke inganisigwe isi. Ngimba unkikulu akaya mpiki gwa seke? Ngimba ugwe ukaya seke sya mama gwako? Kila kyali seke isi syakanisigwe ukuligwa.

134 Lilino apa kilipo ikindu ikikulumba. Lilino iki kili kifuki iki sayansi yisilemo siku ukumanya ukuti umundu yo fiki. . . Abene bikukumba ififupa ifikulu, bikwegwa ifisyiligwe, kangi bikwegwa imitu, kangi bikwegwa ifipaaya, nifiboko, nififupa nukugela ukukupela ikyene kibonekege bo mundu. Kangi abene bamenye ukuti ikindu iki kili kifuki ukukinda iki abene bisile ukukyaga siku kwa mundu kufuma ku kyene yo salila-mzee. Umwene yo kinyamana iki kili kifuki fiyo ku mundu; loli pope ikyene kikaya nakimo umma ukufwana na bandu, ikyapamwanya ukukinda.

135 Uluko lwa pasi ukukinda ulwa bumi ulu lulipo yo kyula; uluko lwapamwanya ukukinda lo lwa bandu. Kyala alyandile pasi kangi alinkupela mumo mmwanya, mpaka Umwene alinkukitwala ikyene alinkufika ku kifwani Kyake. Alinkukitwala ukufuma ku njuni ni finyamana kangi ukukindilila mpaka Umwene alinkufika ku kifwani kya Kyala. Umwene apelile umundu nkifwani kila. Ulo lo luko lwapamwanya ukukinda. Uluko lwapasi fiyo lo itolo imbulubulu isi syasanukaga ukuya kyula ni fingi.

136 Lilino, ikikolekelo iki kiyongile iki abene batikukyaga. Ketesya Ilisimbo lilino. Ugwe, ugwe kukanikanaga na iki, mwe bingi ba umwe, loli une ngulonda. . . Une itolo ngulonda umwe ukubika mminogono ginu. Kangi mungayaga bakusala ukulwana ni kyene. Pilikisya.

137 Une mmenye mwe bingi ba umwe mwapilikisya kwa Dokotala. DeHaan. Une naloliloli. . . Bo mundu gwa luko lwake ulwapamwanya, unkundwe unnunu ugwa Kibaptisti, kangi une naloliloli ngumpalisya umwene. Umwene ali na mahala nu bongo ubwingipo, kangi—kangi ibibwe ukukindapo na mumo une mmanyilemo siku; panongwa yakuti umwene yo Dokotala gwa—gwa Fyakyala, kangi umwene ali nu

bumang'anyi bwa fipatala, kangsi umwene yo Dokotala gwa Sayansi. Umwene nnyambala gwa ndungo. Loli umwene ayobaga ukuti bala...Akabalilo kako abana abalumiana aba Kyala baketege abana balindwana aba bandu ukuti bali ba mogi; umwene ikwega ubwimililo bwa Josephus nukuti “abene—abene balinkwiyumilisya bene pa mibili gya bandu” nukweyegela bene abakasi. Kangsi balipo abandu abanywamu nkisu kya Nod. “Kangsi abene balyegile kuli bene abanakasi nukwitugala nabo, akabalilo kako abana abalumiana aba Kyala, Abandumi aba bagwile, ukwega nu kuketa abana balindwana aba bandu; ukunyonywa kwa kugonana kwali kukulumba fiyo, kangsi nalinga abene bali bonangi panongwa yakugwa, abene bipapatisyaga bene mmibili gya bandu.”

<sup>138</sup> Linga abene bikubomba isyo, abene bikonangaga ukubumbulusya kwa Kyala, abene bikonangaga kilikyosa. Linga sétano abagile ukupela, umwene kokuti afwene katikati na Kyala. Sétano akabagila ukupela. Une ngulonda umwe munnangisyo une ubuyo bumobwene pápo u sétano abagile ukupela. Umwene akabagila. Umwene ikonanga itolo iki kipeligwe. Umwene akabagile ukupela. Umwene itolo yo mbongotola.

<sup>139</sup> Mulimosa polelo, fiki fyabombigwe? Ketesya. Apa po galipo aminogono gangu. Apa kilipo ikipinyilo iki kiyongile.

<sup>140</sup> Lilino, abene balinagwe u salila unkulumba, loli ugwe ukabagile ukutogesya usalila-mzee nu nkikulu nukutwala umwana. Ugwe ukubagila ukutogesya umundu ni kinyamana kilikyosa. Ifyene fikabagila ukufulugania. Ugwe ukubagila ukusamisya ililopa ni kinyamana kilikyosa.

<sup>141</sup> Akabalilo kako une nali ku Africa, abene bikubéga bala abandu abatitu kula mu njila yilayila; umundu yumo atile kwa une, umwene alinkuti, “Abene bakaya kindukimo loli finyamana itolo.”

<sup>142</sup> Une ndinkuti, “Une ngulonda ugwe gwandisye kangsi ukuyoba. Abene bali nu bwingi ubundu bo mumo ugwe ulinabo, lumo ukukindapo panandi.” Unko mbabule une umwe, akabalilo kako umwe muli na minogono ago, umwe mukugomokela kunyuma ukubuka ku kinyamana. Une ndinkuti, “Unnyambala yula, linga umwene ntitu bo njuga ya fosyolo, pamo linga umwene gwa yelo bo lyungu, pamo linga umwene gwa bluu bo langi ya indigo, umwene abagile ukupoka ubumi bwa mukwisila ukukupela ugwe ukusámisya kwalilopa. Loli soma siku ukubika ililopa lya kinyamana mwa ugwe.” Naloliloli, umwene mundu.

<sup>143</sup> Panongwa itolo yakuti umbili gumo ntitu, ukusanusya ilangi syitu, gumo ugungi gwa ngami, ugungi gumo gwa yelo, kangsi ugungi gumo mwelu, iki kiyanyakyo nakimo ikyakubombapo. Ili Bangeli likuyoba, “Kyala ugwa lilopa limolyene apelile abandu bosa.” Kangsi ikyo kyo bwanaloli. Ubuyo ubu uswe



tukwitugasyamo, ukusanusya ilangi syitu, kukaya nakyo nakimo ikyakubomba pa kyene. Kyala apelile ukufuma mundu yumo—yumo ifikolo fyosa, ililopa limolyene, ifikolo fyosa fimofyene.

<sup>144</sup> Aba kiChina; umundu ugwalangi akabagila ukuyoba lilino, umundu untitu akabagila ukuyoba, ukuti, “Yula un’China, umwene—umwene yo gwáyelo, une nguya nakyo nakimo ikyakubomba numwene.” Umwene yo nkundwe gwako. Kangi ugwe gwe mwelu ukabagila kuyoba ku mundu gwa yelo pamo ku mundu untitu, ku bosa, “Une ngaya nakyo nakimo ikyakubomba na ugwe.” Umwene yo nkundwe gwinu. Katikati kotalusya.

<sup>145</sup> Ketesya lilino, apa po silipo isi syo syabonike. Une ngwitika, kangi mbagile ukukukitula ikyene ni i Bangeli, ukuti iliyene lyali liyoka ili lyabombile ikyene. Iliyoka lyo mundu yula uyu ayongile pakati pa salila-mzee nu mundu. Panongwa yakuti, pilikisya, ketesya iki lilino, ukuti u liyoka akendaga pa lwanda umma. Umwene ali yo “nkomu” ukukinda ifinyamana fyosa mu ngunda.

<sup>146</sup> Lilino, une nabukile nukwakwega idikishonare umwisyugu ukufuma kulikosa ukuketesya ilisyu ili, iki ilisyu ilya *subtil* lyasanusyaga. Ilyene likusanusya “ukuya gwa ndungo, ukuya nkomu,” kangi ukusansya ukununu ukwakukinda ukwa—ukwa ki Hiburi (ukufuma ku m-a-h-a-h, mahah) kokuti “ukuya nako ukumanya kwa bwanaloli ukwa fundo sya bumi.”

<sup>147</sup> Lilino unko uswe tuli ketesya iki pakabalilo kanandi itolo. Umwene gwa ndungo, nkomu, loli ikukoleligwa “liyoka”. Loli kumbukilaga, umwene ali kindu kya ndungo fiyo iki kyalipo, kangi ukufwana fiyopo bo yu mundu ukukind kalikosa akangi aka káli mu ngunda; kifuki fiyo ku mundu. Umwene akali kyakwafula umma. Ikigune kilinkumpela umwene ukuya kyakwafula. Kangi umwene áli yo. . . Ili Bangeli litile umwene áli mmogi ukukinda fyosa.

<sup>148</sup> Kangi kyope ikigune kikásosisyépo ubumogi bosa umma; pope ilangi syalwimiko isya njoka mmogi, kangi ilipyana lyake nubukomu bwake. Kyope ni kigune kikásosisyépo ubwene umma. Loli, ugwe kumbukilaga, Kyala álimbulile umwene ukuti amalundi gake gikunyukukaga kangi umwene ikubukaga pa lwanda lwake. Kangi ugwe ukabagila ukulwaga lumolwene ulufupa mu njoka ulu lukuboneka bo lwa mundu, kangi yonongwa iyi sayansi yiyongile. Loli umwene yo uyu.

<sup>149</sup> Kyala afisile ikyene ku maso kwa bandu ba mahala na bamanyi, kangi afingile ukusetula ikyene ku bana balumiana ba Kyala, mmasiku agabumalikisyo, akabalilo kako abana balumiana ba Kyala bisakubonekelaga, akabalilo kako, “Abana balumiana aba Kyala aba basekelelaga pópe bo nulwalo lwa kisu lukáligwa.” Akabalilo kako ubusetuli ubukulumba ubwa BwaKyala ni findu fikutwaligwaga pasi mmasiku agabumalikisyo, Umwene ikubonesyaga ifindu ifi ku bana

balumiana ba Kyala. Umwe mumenye i Lisimbo likumanyisya ikyo. Kangi apa uswe tulipo. Iyo yo nongwa Kyala ikwigula ifindu ifi kwa uswe. Kyala ikutwala abana balumiana Bake kububonekesyo. Umwene ikukindilila pa mpaka gwa bumanyi bwa bundu, ukubuka kubutali mu busetuli bwa mbepo, nukutwala Ikyene pasi. Ngimba uswe tukamanyisyaga, mwi Bangeli ili, “Apa ko kwa uyu ali nago amahala”? Somma ifi umwene amanyile ku sukulu yimo iya seminare; loli iki umwene abagile ukumanyila pa mafundo gake pa maso pa Kyala, kangi ifi finsangalwise Kyala ukumpa umwene. Abana balumiana ba Kyala bikuboneka!

<sup>150</sup> Apa alipo liyoka, lilino, iki kyo liyoka aali. Une ngubapaga umwe ubulinganie bwa umwene.

<sup>151</sup> Uswe tuli na...uswe tufumile pasi ukufuma ku kyula, ukubuka kuko, imbulubulu, kangi ukwika, ukukinda, kangi *uyu-na-uyu*, ugwe kubumalikisyo kwisa kwa salila, kwa salila-mzee. Kangi ukufuma pa salila-mzee pala uswe tukunyela ukufuma pa salila-mzee ukubuka ku mundu, kangi uswe tukuswiga nongwa yafiki.

<sup>152</sup> “Ena,” sayansi yikuyoba, “lilino gulila! Uswe tubagile ukutogesya unkikulu kwa salila kangi kwa salila’mzee, nukusyumbutusa, unnyambala ukutoga kwa salila-mzee.” Ikyene kitikubomba imbombo. Ikutogesya ku kinyamana kilikyosa; ikyene kitikubomba imbombo. Ililopa litikufuluganania; egaga ililopa lyako, ilyene mulimosa ilopa likindane, mosa.

<sup>153</sup> Lilipo ililopa limo pakati apa, kangi agene batikukyaga ikinyamana. O, Haleluya, une nandile ukwipilika ukuya gwalwiputo lilino ulu. Ketesya. Fiki? Kyala afisile ifyene ukufuma ku bene. Lukayapo ulufupa mu njoka ulu lukuboneka bo lufupa lwa mundu. Umwene abikile ifindu kubutali fiyo nu kuti fikabagile ukwagigwa na bandu abandungo.

<sup>154</sup> Une ngubanangisyaga kuko umundu gwandungo yula ikufumila kugu, kuko—kuko umwene aliko, mulimosa. Muketile, umwene akabagila ukwisa ukwisila mu ikyo.

<sup>155</sup> Ikyene kibagile ukwisa mu busetuli, “Ugwe gwe Kristi yula, Mwana gwa. . .” “Pibwe ili Une nisakuyengaga ikipanga Kyangu; kangi ifipata fya gehena fitisakuponjola ikyene”, ubusetuli bwamwambepo. Abelo amenye bulebule—bulebule ukupa ing’osi mbuyo bwa Kaini ukupa iseke sya mungunda? Ikyene kyasetwike ku mwene mwambepo. Ugwe utikukyaga ikyene ukwisila ku maseminare. Ugwe utikukyaga ikyene ukwisila ku fipangafipaaguke. Ugwe kukyaga ikyene ukufuma Kumwanya.

<sup>156</sup> Lilino nketesya liyoka, liyoka uyu yuyo pakwanda. Unko uswe tulisimba ikifwani kyake lilino. Umwene mwinitu unkulumba unywamu. Umwene ali pakati pa salila-mzee nu

mundu. Kangi, liyoka; sétano, Lusifala, ámenye ukuti lila lyalo lyo lilopa lyene ili lyabagile ukufulugania ni lilopa lya bandu, umundu mwene uyu umwene abagile ukubomba nagwe. Umwene akabagile ukubomba na chimpanzee, ililopa lila likabagile ukufulugania. Umwene akabagile ukubomba ni findu ifikindanekindane. Umwene akabagile ukubomba ni ng'osi. Umwene akabagile ukubomba ni falasi. Umwene akabagile ukubomba ni kinyamana kilikyosa. Umwene alinkufimbilisigwa ukubomba na liyoka uyu.

<sup>157</sup> Unko tumwege umwene lilino nukuketa mumo umwene ikubonekela. Umwene yo mwinitu nkulumba, nnywamu, untali gwa sikáli-isyambukulu. Ko kula kuko abene bikufyaga ifupa ifinywamu ifi, kangi une ngubanangisyaga umwe ifi fili mwi Bangeli. Lilino ketesya kifuki. Umma ndaga. Umwinitu unkulumba unnywamu uyu, unko tuyobege umwene—umwene áli ntali amafiti kalongo, ifibega ifikulumba ifinywamu; abonekaga itolo bo yu mundu. Kangi ililopa lyake, ukukinda ukusuluka pasi, ukufwana ni kinyamana kimo kukinine; ugwe ubagile ukutelesania ifinyamana; kangi ikyene kilinkumilisa ukwega ililopa lyapamwanyapo, uluko lwa pamwanyapo ulwa bumi, mpaka ikyene kikufyuka ukubuka ndubafu lwa bandu. Loli ukukolekana kwa bumalikisyo apa, pakati apa, bwatumuligwe. Ngimba balinga bamenye ukuti sayansi yikabagila ukukyaga ikyakukolekela ikisobe iki? Mwesa mwa umwe mumenya ifyo. Fiki? Apa po apa alipo, liyoka. Apa umwene aalipo, umwinitu unkulumba unnywamu.

Kangi u sétano ikwisa pasi, lilino, umwene ikuyoba, “Une mbagile ukupaka.”

<sup>158</sup> Lilino, akabalilo kako ugwe kubuka ukuketa ku bakikulu ni mbombo sya bakikulu, ugwe kumbukilaga, ugwe gupakigwe na sétano (kangi umwene akaya nkasigo gwimwene).

<sup>159</sup> Ketesya, lilino, sétano ikusuluka pasi nukubuka mwa liyoka. Kangi umwene alinkumwaga Eva mu ngunda gwa Eden alibwasi, kangi umwene alinkuyobapo isya seke pakati. U *pakati* kokuti “pakatikati” na filifyosa; umwe mukupilikisya muno nkilundilo ikifuluge. Kangi umwene alinkuti, “Lilino, ikyene kinyafu. Ikyene kinunu ukukiketa na maso.” Abombaga fiki umwene? Umwene andaga ukubomba isya lugano kya Eva, kangi umwene alikwitugala numwene, ukuya bo ndúme.

<sup>160</sup> Kangi umwene alinkuketa ukuti ikyene kyali kinyafu, polelo umwene alinkubuka nukumbula undume, loli umwene alyegile nganila ikifuba na Sétano.

<sup>161</sup> Kangi umwene alinkutela umwanake undumiana ugwakwanda uyu ingamu yo Kaini, mwana gwa Setano.

“Lilino,” ugwe kuyoba, “iky kyo kisobi.”

<sup>162</sup> Syosa sili kanunu, uswe tukusyaganiaga itolo ukuti fyabutungulu kali pamo umma. “Kangi une nisakubika ubulugu

pakati pa Mbeyu yako ni mbeyu ya liyoka.” Fiki? Imbeyu ya liyoka! Unkikulu ali ni Mbeyu, kangi liyoka ali ni mbeyu. “Kangi Umwene isakufulasyaga untu gwako, kangi ugwe kwisakufulasyaga ikitende Kyake.” Kangi *ukufulasya* apa kokuti “ukupela Ukusayana.” Lilino, apa po yilipo “imbeyu” ya liyoka.

Lilino, ketesya, apa bikwisa abanyambala babili aba.

<sup>163</sup> Lilino, u liyoka uyu, akabalilo kako umwene imege pala, uyu unkulumba unnywamu untali ugwa mwinitu alimile pala, umwene ali ni nongwa yakuti atulilwe ubulogwe nu nkasi gwa Adamu. Ngimba ubonangi bugonile kugu umwisyugu? Fiki ifi fikupela ifindu ukuti fiyege bo mumo fiyilile umwisyugu? Lilino, une—une . . . Naloliloli umwe mubagile ukukola isi une nguyoba. Kangi pala umwene ali.

Kangi akabalilo kako umwene abombege, Kyala alinkuti, alinkwanda ukukolela Eva na Adamu.

Kangi umwene alinkuti, “Une nali bwasi.”

Kangi Umwene alinkuti, “Ywani ababulile umwe umwe mulibwasi?”

<sup>164</sup> Polelo abene balinkwanda uku, ububombelo bwa ku busikali, ukupila kunyuma. Alinkuti, “Ena, unkikulu uyu Ugwe gwalimbele abombile isi. Umwene yo ambepekile une.”

<sup>165</sup> Kangi umwene alinkuti, “Liyoka ambele une apulo”? Umma ndaga, gwe ndumbilili, sokapo apa.

<sup>166</sup> Umwene alinkuti, “Liyoka annyasisye une.” Ngimba mumenye ukuti *ukunyasya* kokuti fiki? Kokuti “ukubwapusya.” U . . . umwene . . . u s . . . setano akalimpelemo apulo siku umwene umma. “Liyoka annyasisye une.”

Polelo ikigune kilinwisa.

<sup>167</sup> Umwene alinkuti, “Panongwa yakuti ugwe upilikile liyoka mbuyo bwa ndumego, ugwe gwegile Ubumi ukufuma nkisu. Kangi ugwe—lilino ugwe kwiyolosyaga gwimwene mbusulumanie; kangi ukupapuka kwako kukuyaga ku ndumego,” ni fingi.

<sup>168</sup> “Kangi panongwa yakuti ugwe upilikile unkasigo, mbuyo bwa Une (Une nakwegile ugwe ukufuma ku lufumbi; gwepeligwa ikyapamwanya ukukinda), ukugomokela ku lufumbi ugwe kubukaga.”

<sup>169</sup> “Kangi, liyoka, panongwa yakuti ugwe ubombile kila, gikusopokaga amalundi gako. Pa lwanda lwako ugwe kwendelaga amasiku ga bumi bwako. Kangi ugwe kubengigwaga. Kangi ulufumbi lwisakuyaga kyakulya kyako uge.” Ambililaga umwe ikyo. Apo po apa kilipo ikikolekano iki kiyongile.

<sup>170</sup> Lilino apa ikwisa Kaini. Unko tunketesya akayilo. Apa ikwisa Kaini. Umwene yo ywani? Umwene yo gwabiashara

unkomu. Umwene ikulima imigunda. Gwandungo, gwamahala; mwiputiputi, mwiputiputi fiyo; ketesya—ketesya ifyakubagilila fyake lilino. Endaga itolo na une pa kabalilo kanandi itolo.

<sup>171</sup> Apa umwene ikusoka. Umwene amenye umwene wakufwa. Umwene ikulonda ukubuka kukipanga. Umwene ikwiengela mwene ikipanga, ikwipelela mwene ikyabupe. Ikwitwala ikigemo, na fyosa. Ukuyenga ikigemo, ukubika amaluba pa kyene. Ukubika ungunda . . . iseke sya mu ngunda, ikokyela isyene kwa Kyala. Kangi alinkuti, “Ambililaga Ugwe, Ntwa. Une mmenye uswe twálile aba apulo, kyo iki kyaatwele ikyene.” Bamo mwa bafumakumwene bali ni fundo ya luko lulalula. Kikubonesya kuko ikyene kifumile. Alinkutwala aba apulo bake panja pa ngunda pala, alinkugabatika agene pala, ikuti, “Iki kikupelaga ukusayana.”

Kyala alinkuti, “Abene bakali ba apulo.”

<sup>172</sup> Loli, mukwisila mbusetuli bwambepo, Aabelo aamenye iliyene lyali lilopa. Polelo umwene alinkutwala kang’osi, alinkukeka ilikosi lyake, kangi akene kalinkufwa.

<sup>173</sup> Kangi Kyala alinkuti, “Uko ko kotalusya. Ikyo kyabombile ikyene. Ilyene lyali lilopa.” Umwe mumenye ililopa liliku ili une nguyoba. Fyosa filikanunu. “Ilyene lyali lilopa ili lyabombile ikyene.”

<sup>174</sup> Lilino, ketesya. Kangi polelo akabalilo kako Kaini alimbwene unkundwe gwake umbumbuluka-umwikemo itikigwe pa maso ga Kyala, kangi ifika ni fiswigisyo fikuboneka kubwikililo kula, umwene alinkuya na kabini numwene. Umwene alinkuti, “Uswe tukwimikaga ifindu ifi akabalilo kakaka aka.” Keta abakundwe bake, keta abana bake umwisyugu. “Lilino, une ndini ndungo ukukinda mumo umwene ayilile,” polelo umwene alinkukalala. Ngimba *ukukalala* kwáfumiile kugu? Ngimba ugwe ubagile ukuyoba ukuti ubo bukalale . . . ? Umwene alinkugoga unkamu gwake. Umwene ali nngogi.

<sup>175</sup> Ngimba ugwe gubagile ukunkolela Kyala ukuya ngogi? Kangi Adamu ali mwana ndumiana gwa Kyala. Ili Bangeli lyáyobile ukuti, “Adamu ali mwana ndumiana gwa Kyala,” ubwandilo bula ubwabupelelesye kunyuma kula. Adamu ali mwana ndumiana gwa Kyala. Kangi akabini kala nu bwifu na fyosa fikabagile ukusóka ukufuma ku kisoko ikipelelesye.

<sup>176</sup> Akene kabagile ukufumila ku buyo ubungi. [Ubuyo busitakandu pa tepi—Nsimbi.] Kangi akene kafumaga ukwisila mwa Sétano, uyu ali nngogi kukubwandilo. Ili Bangeli lyáyobile, “Umwene áli nsyobi kangi nngogi, kukubwandilo itolo.” Ambililaga ikyene. Kangi umwene alinkunngoga unkamu gwake.

<sup>177</sup> Kangi kila kyáli kifwanikisyo kya bufwe bwa Kristi. Polelo ukufuma mu ikyo, ena, Umwene átupwisye Seti ukwega ubuyo bwake. Ukufwa, ukusyiligwa, nukusyuka kangi kwa Kristi.

<sup>178</sup> Kangi ketesya, polelo, apa po apa bikwisa abatali binu. Polelo Kaini alinkubuka nkisu kya Nod. Linga ugwise ali nkulumba ntali ugwa mwinitu, ngimba Kaini abagile ukuya kiliku? Yu gwise. Kangi umwene alinkubuka nkisu kya Nod kangi umwene alinkwega yumo mwa balumbu bake.

<sup>179</sup> Injila yene umwene abaagile ukubomba. Bakaliko abakikulu abangi umma aba babagiile ukwisa, ukufuma mmwene mwa Eva. Abene bikuyoba ukuti abene bali na bana balumiana nabalindwana malongo mahano na mabili. Linga—linga bakaliko nabamo abakikulu...Ili Bangeli litikusimba abakikulu akabalilo kako abene bikupapigwa, bene abanyambala. Kangi akabalilo kako, linga bakaliko nabamo abakikulu ukukinda Eva, akabalilo kako umwene afwege ubundu bwalekaga ukuyako. Umwene abaabagile ukuya nabo abana balindwana. Umwene alinkufimibilisigwa ukwega ulilumbu gwake mwene.

<sup>180</sup> Umwene alinkubuka nkisu kya Nod nukwega—nukwega unkasi. Kangi akabalilo kako umwene ammwegege umwene mula, kula ko abene abanywamu abatali bala, aba bo bali bana balumiana ba Kyala aba bagwiile; aba balísile ukwisila kwa gwisabo, setano ukwisila mwa Kaini. Apo po kilipo ikyakukolekana iki kiyongile.

<sup>181</sup> Kangi ketesya uluyungu ya liyoka. Lilino, ketesya. Kumbukilaga imbeyu ya liyoka yo yabwiputi. Keta ikyene kikwanda ukwenda lilino, pakabalilo kanandi itolo. Apa lukubuka u luyungu lwá liyoka. Ngimba fiki fyabombigwe ku bene? Lilino, unko une mbale ikindukimo apa une nsimbila itolo apa pamusi.

<sup>182</sup> Ngimba fiki fisaga ku lukindi lwa Ábelo? Pilikisya iki. Syosa silikanunu. Palapala ikwisa Ábelo. Ukufuma Ábelo ikwisa Seti. Ukufuma Seti ikwisa Noah. Ukufuma Noah ikwisa Shem. Ukufuma Shem ikwisa Abraham. Ukufuma Abraham ikwisa Isáki. Ukufuma Isáki ikwisa Yakóbo. Ukufuma Yakóbo ikwisa Yúda. Ukufuma Yúda ikwisa Dávidi. Ukufuma Dávidi ikwisa Kristi, ku bu pelesye.

<sup>183</sup> Ketesya kunyuma kula mumo Mbepo gwa Kyala ayaga nubumi mwa Ábelo. Kéta mumo ikyene kyaga nu bumi mwa Sėti. Kéta mumo kítugalilaga mwa Yúda. Kéta mumo ikyene kítugalilaga mwa Dávidi. Kéta Mbepo yulayula ikukólela panja ukwisila mu mbeyu ingolofu yila ukusukila mosa mula. Kali abene bábobile siliku, abene bámanyiligwenganila.

<sup>184</sup> Keta Yakobo, mbwapufu...Une ndikuyoba isi ukuya gwamahelu umma. Loli Yakobo ugwasoni unnini ikwibanilila mu ngwamba yanna akabalilo kosa; ikubopa ukusyungutila,

undumiana unnini ugwakikikulu. Ikubika ifindu pa mwanya pa yumwene, nukubuka nukunsyoba ugwise ukuti ege ulusayo; loli ulwene lwápegigwe ku mwene bo ulwalo lwa kisu lukáli lukáligwa. Naloliloli, ulwene lwábombigwe.

<sup>185</sup> Alinkubuka panja pala nukusyoba kwa gwise-nkamwana gwake; nukwega utupiki utulabe, utupiki twa minyele, nukutubika utwene mmisi ukusitilisya ing'ombe isi akabalilo kako isyene siyege nififuba; ukusipela isyene sitwalege ing'ombe indabe ukuti umwene asyobege nukwega ing'ombe sila. Kyala alinkunsaya umwene muli iki. Uko ko kutalusya.

<sup>186</sup> Aheli kwa aligwesa uyu ikuyoba kalikosa aka Yakóbo. Umwe mumenye iki—umwe mumenye iki unsololi ugwabutungulu aayobile...Pamo, umwene asololaga mbwanaloli. Balaamu, mwene alinkuti, “Aligwesa ikunsayaga umwene isakusayigwaga, kangi aligwesa uyu ikungunaga umwene isakugunigwaga.”

<sup>187</sup> “Une nakwegile ugwe, Yakóbo. Une nalimmwágile umwene bo...bo nkisu kya buhesya. Mumo iswanga yikupalasula ikifumbwa kyake, une ndinkupalasula umwene nukummwega umwene.” Haleluya! “Somma mmbulagili, pamo mmaka, loli mwa Mbepo Gwangu ikuti Untwa.”

<sup>188</sup> Kéta kila kikwisa ku bupelelesye. Mbepo yula alinkubomba ukusulukila ku bupelelesye bwa Kristi, ukusulukila mwa aligwesa gwa Batata baiyolo, ikwisa itolo pasi. Kali abene babombile ifindu fiki, ifi bayobile, kangi ifi abene babombile, abene bali kumalisyakosa luyungu lwa bagolofu.

<sup>189</sup> Kangi, apa, akabalilo kako unngolofu Abraham... Lwimiko! O, une ngwipilika naloliloli kanunu. Akabalilo kako Abraham ungolofu áganega na Melekizedeki, Uyu ali Kyala Mwene!

<sup>190</sup> Ngimba ali ywani Melekizedeki? “Mwalafyale gwa Salemu, uyu yo Mwalafyale gwa Yerusalemu, Mwalafyale gwa lutengano. Umwene akáli nagwe ugwise. Umwene akáli nagw'unna. Umwene akáli nabo ubwandilo bwa masiku, pamo ubumalikisyo bwa bumi.” Kali Umwene yo Ani, Umwene akali ali nubumi. “Umwene akapapigwemo siku. Umwene atisakufwamo siku. Umwene akáli nagwe ugwise pamo unna. Umwene akáli nabo ubwandilo bwa masiku pamo, ubumalikisyo bwa bumi.” Mbula une Umwene yo Ani. Kyala gwa Syepwa; mu ifyo uswe tukukikolela i... .

<sup>191</sup> O, une ngwibwa itolo iki umwe mukukikolela ikyene lilino. Theophany, kyo ikyene kili. Bo itolo mu...Kakaya kapango umma; loli pópe ikyene kyo itolo kindukimo iki kikuboneka na maso. Mumo Umwene isege kwa Abrahamu nkitembe kula, ukufwana gwandumi, nukusolola, nukumbula Sarah umwene alinkuseka, kunyuma kwa Umwene, ni fingi fila. Ikindu, ikindu kilakila.

<sup>192</sup> Kangi apa Umwene álipu. Umwene alinkwaganila na Melekizedeki. Kangi umbuya-. . .ungati-ngati umbuya Abrahamu, nduyungu lwa bagolofu, áhombile ifyakalongo kwa Melekizedeki; kangi ikylene kyatapuliliigwe ku ngatingati gwake pasi pala, uluyunga lwa bagolofu.

<sup>193</sup> Lilino apa yikwisa imbeyu iya—iya liyoka. Lilino, kumbukilaga, bukayaga ngapo ubulugu, ubwite pakati pa bene.

<sup>194</sup> Uluyunga lwa liyoka lukwisa mula, kangi ngimba ulwene lukutwala ifiki? Lilino unko uswe twege ifyinja finandi ifyakubwandilo. Lilino ketesya ifi fikubombigwa ku bene. Uswe tukubalaga itolo pasi kabuno une ngetilepo itolo lululu ulu. Imbeyu ya Kaini yilinkutwala Kaini. Kaini alinkubuka ku kisu kya Nod, ukutela abatali, kangi polelo abene balinkwisa ku kisu kya Noah.

<sup>195</sup> Abene báli bandu ba ndungo, bamanyi, bakomu. Ngimba isi syabwanaloli? Abene báli bayengi, bapelatundu, basayansi; komma ukwisila ku mbeyu ya bagolofu, loli ukwisila imbeyu ya Setano, liyoka. Abene báli bannyambala ba luko bo—bo básayansi, bayengi, kangi banyambala bakulumba, abamanyisi. I Lisimbo likuyoba bububo. Abene babyondolaga brass. Abene babyondolaga ifisulu fya ngami. Abene babombaga ni fisulu. Abene bápelaga utundu. Abene bókyaga ifisulu ifikindanekindane, nukuyenga inyumba, ni fyosa. I Lisimbo likuyoba lululu. Kangi abene babasekaga aba Luyungu lwa nkikulu, Noah, ungolofu. Ngimba isyo syabwanaloli?

<sup>196</sup> Unko uswe tubakonge abene panandi itolo. Polelo, uswe tukubaga abene ku ngalaba, fyosa fyalyonangike. Filinkuya nduko lwa kufuluganikana kwa bonangi, kangi abene balinkwega ubulagili, kangi abakomu nabamahala. Mpaka Kyala alinkuketa pasi, bakalipo bingi aba básyele, polelo Umwene alinkwega itolo Noah ni kikolo kyake mu ngalaba nukugwisya amisi pasi, nukonanga ikindu kyosa. ukumwega Enoki mmwanya tasi. Ngimba isyo syabwanaloli? Pala yálipu mbeyu yosa, kifuki yosa imbeyu; loli Umwene ali nabo ubwigane ubwakuti bubombigwe.

<sup>197</sup> Lilino, Noah na bana bake abalumiana aba basókile, Ham, Shem na Yafeti, balinkusoka nduyungu lwa bagolofu.

<sup>198</sup> Ngimba imbeyu yakilenie bulebutu? Imbeyu yálisile mulamula mu ngalaba, mumo itolo iyene yabombíle kubwandilo ukwisila mwa nkikulu, abakasi babo. Abene bápimbile imbeyu ya Sétano, ukukinda mu ngalaba, mumo itolo Eva ápimbile imbeyu ya Sétano ukutela Kaini, ukwisila mu nkikulu.

<sup>199</sup> Umwe mukubabika abakikulu mfigemo finu ukuya balumbilili, ili Bangeli likukemela ikylene! Pauli ayobile, “Linga unnyambala aligwesa ikwinogona mwene ukuya nsololi pamo gwamwambepo, unko umwene itikisye ukuti ifi une ngusimba



fyo ngomelesyo sya Ntwa; loli linga umwene yo nsitakumanya, unko umwene ayege nsitakumanya itolo.”

<sup>200</sup> Iyo yo nongwa iyi une ndinkusooka ukufuma nkipanga kya Baptisti pitongo apa. Nkundwe Fleeman uyu áli apa pitasipo; une ngwinogona umwene áli palapala ikilo kila. Dr. Davis ayobile, “Ugwe kwimililaga apa nukubiputula abakikulu aba ukuya balúmbilili.”

Une nátile, “Une ndisakubomba ikyo umma. Umma naloli.”

Umwene atile, “Ena, une ngukusopaga ugwe panja.”

<sup>201</sup> Une natile, “Une nsopigwe panja kubununuko.” Une ndinkuti, “Ili lyo Lisyu Iya Kyala, kangi Ilyene likukemela ikindu iki. Kangi une ngabagila ukukitula ikindu iki Kyala ikukemela.” Umma, nkulumba.

<sup>202</sup> Aligwesa uyu ikubomba iki ikunangisya abene bamanyisi babutungulu, basololi babutungulu. Ili Bangeli liyobile abene bikuyaga. “Ukusyoba nababo basaligwa linga kyáli kyakubombigwa.” Ambililaga ikyo umwe.

<sup>203</sup> Ketesya iki lilino. Kangi ukufuma pala, polelo, ikwisa Ham, Ham nu nkasi gwake, na bene. Umwene ali ni kigune kibikigwe pa mwene. Ukufuma Ham ikwisa Nimrod, uyu áyengaga Bebuloni. Ukufuma Bebuloni kikwisa ikipanga kya Katolika, ubwandilo bwa ikyene. Kyalisile ukukinda mwa Ahabu. Kisaga ukwisa pasi ukufuma kwa Ahabu ukubuka mwa Yudas Iscarioti; kikumalikisya ikyene, mwa nndwanenakristi.

<sup>204</sup> Kangi mmasiku ga bumalikisyo, apa alipo mbepo gwa nndwanenakristi nu Mbepo gwa Kristi. U mbepo gwa nndwanenakristi ikuti, “Amasiku ga fiswigisyo gakindile.” U Mbepo gwa Kristi, ikuyoba, “Umwene yo yuyo mmayolo, umusyugu, na bwilanabwila.” Mbepo gwa nndwanenakristi ikuti, “Ikyene kitikukindana linga ugwe kosigwa mwa ‘Tata, Mwana, Mbepo Mwikemo,’ ukoneligwa, ukunyafiligwa, pamo kyo kiliku ikyene, ikyene kikusanasya ikindu kimokyene.” Ili Bangeli liyobile ukuti Kyala akabagila ukusoba, kangi Umwene akabagila ukwanduka. Ngimba umwe yo aliku uyu mukumbombelaga? Ikyene kili kwa umwe.

<sup>205</sup> Lilino umwe mukuyoba, “Ngimba abene babagile ukwitugala palikimo? Ugwe uyobile, ukuti, mula mu ngalaba, Nkundwe Branham, ugwe uli nabo mula bosababili Ham na Seti.” Isyo syabwanaloli, katikati syabwanaloli. Ham ali mmbibi. Seti ali mwiputi kangi ngolofu. Syosa silikanunu.

<sup>206</sup> Unko uswe tonkonge Ham. Syosa silikanunu lilino, apo alipo Ham na Seti mu ngalaba yimoyene; yumo nngolofu, kangi uyungi akaya nngolofu. Pala alipo kihobe ni ngungubiya mungalaba yimoyene. Pala alipo Yudas na Yeso nkipanga kimokyene. Álipo u nndwanenakristi na Mbepo Mwikemo nkipanga kimokyene.

207 Kangi umwisyugu, imbepo silasila sikubomba. “Bali nu luko lwa bunyakyala, biputiputi fiyo, loli bali nalo uluko lwa bunyakyala kangi bikupika a Maka aga gali mumo; ukufuma ku aba sókangako.” Mbepo Mwikemo ikuyoba itolo “Yeso Kristi yo yuyo mmayolo, umwisyugu na bwila.” Ngimba lo lubafu luki ulu ugwe kusalaga?

208 Unndwanenkristi ikuyoba *Ili* lyo libuku itolo ilya fimanyisyo. “Uswe tukwandisyaga Ikimansyilo kya Bafundigwa.” Une ngusania undumbilili aligwesa ukuti ambule une papo Ikimanyilo kya Bafundigwa kikwagigwa mwi Bangeli: “Une ngwitika mwa Kyala, Tata Mwenemaka, Umpeli gwa kumanya na pasi; Yeso Kristi, Mwana Gwake. Une ngwitika nkupanga Ikikemo ikya Katolika gwa Roma, ukulilapalikimo kwa bikemo.” Po poki apa ugwe kukyaga ikyo mwi Bangeli? Kangi palema pali isi umwe mukwandisya ikyene mfipanga fyinu ifikulumba fya Methodisti na Baptisti. Ikyene kimanyisyo kya sétano, kangi abasololi babutungulu bo bikumanyisya ikyene.

209 Une ngusubila une ndikufulasya ubwipilike bwinu, loli une ngukimamatisya ikyo kukitembe iki. Umwe apa ku Branham Tabernacle, sókako ku findu bo ifi. Kilikyosa iki kikwitika mu kulilapalikimo kya bikemo ko kwiputabasyuka. “Alipo u mwimilapakati yumoywene pakati pa Kyala nu mundu, kangi uyo yo Nnyambala Yeso Kristi.” Une ndikupasya ukuti baliko aba Maria balinga!

210 Kéta mumo imbeyu ya nkikulu kunyuma kula yabómbile? Kéta mumo imbeyu ya nkikulu yilinkwipimba ukukilania kula?

211 Kéta umwisyugu mu America. America kyo kikota kya sétano. Kyo fiki ikyene? Umwene kyo kikolo kya nkikulu. Umwe mupilike, “Iki kyo kisu kya nkikulu.” Isyo syabwanaloli. Ikyene kyo kisu kya nkikulu. Abene bo bikwala ikyakwegelela.

212 Une nabukile ukukilania apa, pakaya pabutali fiyo umma, mu Switzerland. Abakikulu bikuyoba... Yumo unkikulu gwa Mbepo Mwikemo áyobile, “Ugwe umenye, linga une ngubuka kwa America, abene bikuti abakikulu balinabo ubwabuke.”

213 Une ndinkuti, “Unko une ngubule ugwe ifi ubwene bukubukako.” Une ndinkwanda ukumbula.

Umwene alinkuti, “O, kisa, une ndikulondapo kilikyosa kya ubo.”

Une ndinkuti, “Ko uko ubwene bukubukako.”

Ugwe umenye, abene batikubomba ifindu kula mumo abene bikubombela kuno.

214 Ikyene kyo fiki? Unko une mbanangisye umwe ukuti America yo nkikulu. Pa lutalamala lwitu kilipo ikifwani kya nkikulu. Kilikyosa kuno yo nkikulu.

215 Mbula une, fikayapo ifilabu fyakufwana nkisu iki ifi tubagile ukuya nafyo...Ugwe ubagile ukubika ifilabu malongo mana nkaya, nukubika abakikulu ababulogwe batatu, aba bikuboneka kanunu ababikwikonyokonyola ukusuluka ndukindi; abene bikutumaga imiyoyo mingipo ku gehena aba bikubanyonywa abene ukukinda fyosa ifilabu ifi ugwe ubagile ukubika nkaya. Isyo syo katikati kutalusya.

216 Kyo kiliku ikyene polelo? Ikyene yo nkikulu. Umwene yo fiki? Umwene yo kyala gwa America.

217 Ega bamo mwa bafumuke básenema abaiyolo aba; abene bikwisa kuno nukwega kana pamo kahano, bikwitugala na banyambala batatu pamo bana abakindanekindane akabalilo kamokene; kangu bamo mwa bakalatasi ba nongwa aba bikubaywelula abene nukubayoba abene, ukwega ipicha syabo bali bwasi apa. Kangu umwe mwe balindwana banini mukubika kila ukuya kya kwegelelapo, (fiki?) panongwa yakuti unyoko untasi pa ugwe, lumo, umbuya gwako untasi pa ugwe. Umwe mukuketa kuko uluyungu lula ulwa liyoka lukubombelamo? Naloliloli, ulwene lubombile.

218 Kangu ulwene lukubomba fiki? Linga ubonangi bukuyatilaga ukubuka ku ngulilo kalongo na inna pasi pa lulaligilo, fyo filiko ifi ubonangi bukuyaga linga bukuyatiligwaga umwisyugu, akabalilo kako uluyungu lwa bagolofu buli kifuki ukumalika? Kangu Kyala ayobile akene kakwisaga akabalilo akákuti linga Umwene akátumulaga imbombo ukuya mbimba, angali pakayapo na yimo ya iyene iyakusyalapo. Uswe tuli nkabalilo akabumalikisyo. Fwima abagolofu ikilo iki; bukaga ukukinda nkaya!

219 O, ugwe kubagaga aba fipanga itolo ukuya basubiligwa ku ba Baptisti, kangu aba Presbeteri, na fyosa, mumo abene babagile ukuyila. Loli abene bakaya nakyo'mma ikyakubomba na Kyala ukukinda imbeba ukuti yifwale ifilato fya matalala. Batikumanya nakimo ikyakufwana ni Kyene! Ifyene ifi abene bamenye: "Ngimba ugwe uli Nkristi?"

"Une ndi gwa Katolika."

"Ugwe uli Nkristi?"

"Une ndi gwa Baptisti."

"Ugwe uli Nkristi?"

"Une ndi gwa Presbeteri."

"Ugwe uli Nkristi?"

"Une ndi gwa Pentekosti." Ikyo kikaya ni mbombo na ukufwana na Ikyo.

220 Ugwe uli Nkristi panongwa yakuti Kyala, mwipyana Lyake, akupokile ugwe. Kangu ugwe umenye isya Ikyene. Kangu ikindukimo kikusanwisye ubumi bwako ukuti ugwe uli nu bumi

ubukindane. Kangi ugwe uli mundu ni kipeligwa kipya mwa Kristi Yeso. Naloliloli.

221 Loli umwe mukuketa kuko uluyungu lwa liyoka? Ngimba uluyungu lwa liyoka lwáli fiki? Bulogwe. Umwe mukukongesya iki? Ubulogwe na Eva. Ngimba fiki fyabonike na ikyo? Kyo fiki kyatwele ikyo panja? Ngimba kyo fiki ikylene ikilo iki?

222 Keta kunyuma kula ifyinja finandi ifi fikindilepo akabalilo kako ulusumo ulwakwanda lwasókile. Umwe mwe bandu bakusipo, akabalilo kako. . . Abene balisibile ukuketesya isumo bo sikali nukuti basitikisye syimbigwe pa rediyo. Kangi iyakwanda iyi yasókile, yali yila, “Peteka agene, balindwana, peteka agene, ukubonesya amafundo ginu amamogi,” na fyosa bo fila. “Nseka Ma na Ba, kangi bapa abene gwesa u ‘ha-ha-ha!’” Iyo yo yakwanda iyi abene balitikisye ukuti yitelemukilege nukukinda. Ngimba mukwinogona ukuti ali kugu umyana uyu asimbile ulwimbo lula? Umwene afwile.

223 Ngimba umwe mukwinogona fiki isya Clara Bow, uyu alisile pakwanda nukuyoba, *Ubuniongafu Ubwásoka*, kangi ukufuula ukohesya ifi fitumile imiyoyo ma elifu ku gehena? Ngimba umwe mukwinogona ali kugu ikilo iki? Umwene afwile akabalilo katali. Ngimba umwene ali kugu, nu mbilo gwake gula? Gulambaléle kula, gubolile ndufumbi, kangi abafunya nifwingili silile mosa mwa ugwene. Kangi umoyo gwaki ulambalele kula pamosa pa Kyala ungolofu.

224 Ngimba alikugu unnyambala uyu egege unkikulu yula nukubatendekela utufunga utwaiyolo utubwapufu tula utu abene bikufwala, ukugutila abene panja ulubafu lumolwene kangi ulungi kangi kisita kubafwana abene? Alinkuti, “Ngimba abene bábombaga iki panongwa yafiki? Ngimba umwe fiki mukufwala uluko lwa findu ifyo panongwa yafiki?” Panongwa yakuti mukulonda abanyambala babaketege umwe, kangi yikayapo injila iyingi ukusisimikisya isyene.

225 Kangi umwe mumenye ukuti akabalilo kako umwe mukubomba ikyo, kangi umonangi ugwaiyolo yumo ikukuketa ugwe, umwe mumenye isi sibombigwe? Pa Kigemo kya Bulongi. . . Ugwe kuyoba, “Nkundwe Branham, une nndi gwabwanaloli itolo kundume gwangu mumo une mbagile.” Ugwe kwisakubaligwaga gwanongwa ya kutulwa inongwa ya ubulogwe. Yeso aatile, “Aligwesa uyu ikuketa ku nkikulu ukunonyonywa umwene abobile ubulogwe nu mwene mu ndumbula yake.” Akabalilo kako unnyambala yula ikufimibilisigwa ukwamula panongwa ya kutulwa inongwa ya ubulogwe, ywani yo ikuyaga ukuti ápelile ikylene? Injila yiyo ugwe gwálifwikile gwimwene nukwitwála gwimwene.

226 Lilino, une ndikuyoba ukuti umwe mufwalage bo kindukimo pamo ukufuma mu bokosi lya findu fyaiyolo fiyo. Loli umwe mubagile ukubonekako ukukinda bo nakamba.

227 Kangi ukusooka apa nukufula akabundu akapimba kako nukupinya akangwamba kanandi ukusyungutila akene bo *ulu*, bonda gwako, na maso gake gafwene mbubiko unfumbi gwa ngambo mu ndomo gwako, kwenda ukusuluka ndukindi. Ugwe utikubomba ikyo na pabwigane ubununu umma. Ugwe ubagile ukuti ukasimanya nasimo pa ikyo, loli setano ikukubombela imbombo ukuya kilwilo, itolo mumo Eva abombile.

228 Ngimba fiki ikyene kyo kikolo kya nkikulu? Panongwa yakuti ikyene kikubuka kuko kubulagili bwa Katolika. Ngimba fyo fiki umwisyugu? Ugwe utikupilikamo abene siku bikuyoba Yeso. “Monile Maria! Maria, mama gwa Kyala! Mwikemo Cecilia!” Uluko losa lwa bikemo, abikemo abafwe. Apa pakaya patali umma, ukusuluka kula. . .

229 Une náli kula ku Mexico, nkyinja. Apa alinkwisa unkikulu undondo, ikwikwába. Amafundo gake, gosa gawkwabigwe ukukubuka bo ulu, kangi ikipapa; ikulila, kangi ikukola amaboko gake. Kangi ugwise ikwenda ikwisa, apimbile utwana tubili, abene bikulila; mama ikukubilwa lulalula; panongwa yakuti unkikulu yumo, uyu abene bikunkolela mwikemo, áfwile. Abene báli nifikwani kyake pala pa kyamba. Yumo unganigwa gwake alinngogile umwene. Kangi bo itolo ikufuma pakugogigwa lulalula, ena, umwene áli mwikemo; umwene ali gwa Katolika. Polelo palapala umwene ayaga pakubomba ukwilamba; kangi umwene alinkwikwaba amamailosi mabili, pamwanya pa mabwe amasongoke, ukwisa ukubomba ukwilamba.

230 Nkundwe, linga kilipo ikindu iki une mbagile ukubomba, Yeso Kristi áfwile paitolo. Iipiyana, une mbokigwe; kangi komma pa—pa nimwene umma, loli nubwigane bwa Kyala, kangi nu bununu bwa Kyala.

231 Abene abafumusanongwa balinkundalusya une, balinkuti, “Tata. Branham. . .” U—u mwana unnini unfwano asúsyigwe ku bumi kangi ni findu ifingi kulakula. Aba Katolika maelifu malongo matatu. . . Umma, une ngusuma ukuhobokela kwinu nsobile. Ikyene yo maelifu malongo mabili. Maelifu malongo matatu kwaali ku Africa. Aba Kikatoloka maelifu malongo mabili balinkwambilila Kristi ukuya Mpoki gwabo gwabenenabene, pakabalilo kamokene, bo ifindu fila fibombigwege, nimile mu Mexico City. Kangi abaputi bala, abene balinkutoligwa ukuyoba nakamo; báli bingi fiyo, ikyene angali kyandile ifivulupu. Balinabo bingi fiyo ulubafu ulu. Polelo abene batile, “Tata. Branham, ngimba ugwe kwitika ukuti abelu bitu babagile ukubomba ifindu filafila ifi ugwe kubomba?”

232 Pakuti námenye ikimanyisyo kyabo, une ndinkuti, “Naloliloli, linga abene bali nu bumi.” Muketile? Polelo ugwe

ukabagila ukuya mwikemo gwa Kikatolika mpaka ugwe gufwe, umwe mumenye.

Polelo umwene alinkuti, “O, ugwe ukabagila ukuya mwikemo mpaka ugwe gufwe.”

<sup>233</sup> Une ndinkuti, “Ngimba ugwe kubala kugu usyo? Pauli átile, ‘Ku bikemo aba bali ku Efesi,’ kangi aba bakóleligwe na Kyala. ‘Ku bikemo aba bali ku Efesi,’ umwene abalaga ukalata gwake; kangi kubikemo aba bali mbuyo ubungi, ku Galatiya, kangi—kangi ‘ku bikemo aba mu Roma,’ na bangi. *Abikemo*, ‘abene abasukigwa.’ Ngimba bule apo?”

<sup>234</sup> Umwene alinkuti, “Ena, lilino, uswe tukukanisigwa ukukanikana pi Bangeli. Panongwa yakuti, uswe twe kipanga, kangi ifi ikipanga kikuyoba. Uswe tutikupasya ifi ili Bangeli likuyoba. Ifyene fyo ifi ikipanga kikuyoba.” Alinkuti, “Ngimba ugwe aminogono gako polelo aga kipanga kya Katolika go galiku?”

<sup>235</sup> Une ndinkuti, “Une angali kinunupo ugwe ulingandalusyaga une isya ikyo. Panongwa yakuti linga kunsuma une, kangi une ngukubulaga ugwe u Bwanaloli.”

Alinkuti, “Mulimosa, une ngulonda ugwe umbule une u Bwanaloli.”

Une ndinkuti, “Uluko lwa pamwanya fiyo ulwa biputamisyuka ulu une ndumenye.”

Umwene alinkuti, “Ngimba umwe mukuketa bulebule?”

<sup>236</sup> Une ndinkuti, “Kilikyosa iki kikuyoba na bafwe kíputamisyuka.” Une ndinkuti, “Linga umwikemo uyu ikwamula, kokuti umwene ali ku gehena. Panongwa yakuti abene aba bakilenie injila iyi, ili Bangeli lyangu—lyangu lyáyobile ukuti umwene atikugomokela’mma.” Uko ko kutalusya. Kangi une ndinkuti, “Linga ikyene kyo ikyo, linga umwene yo mwikemo, umwene yo sétano ikuyoba bo yu mwikemo, kangi ikyene akaya yo mwikemo, napanandi’umma.”

<sup>237</sup> Kangi umwene alinkuti, “Ena, lilino, akabalilo kanandi itolo.” Alinkuti, “Ugwe kuyoba na bafwe nūgwe.”

Une ndinkuti, “Kugu?”

Umwene alinkuti, “Yeso Kristi áfwile.”

<sup>238</sup> Une ndinkuti, “Loli Umwene ásyukile kangi. Umwene akafwa’mma. Loli Umwene ali nu bumi, ikubomba ubwitugalapakati, ukwisila mu mwene umwitugalapakati pakati pa Kyala na bandu.”

<sup>239</sup> “Une yo Yula uyu áfwile kangi nndi nubumi kangi, kangi nndi mumi syepwa. Une ndinasyo ifungulo sya bufwe na gehena.” “Aligwesa uyu ikulonda, ndeke isege nukunwa kwaitolo ukufuma ku misi ga Bumi.” Mwe! Uyo yo Kyala gwitu. Uyu yo Kyala gwitu.

240 Kangi imbeyu ya bagolofu yili kifuki ukumalika. Yoba ku bandu ukufwana ni findu ifi. Yoba ku bandu isya kugomokela ku njila ya li Bangeli. Yoba ku bandu isya fika. Yoba kubandu isya ifyo. Ikyabo “ikipanga kitikwitika Ikyene,” polelo abene bána basigwana, kwa Kyala. Ili Bangeli litile linga uswe tukabagila ukupimba ukukubilwa, ni ngelo, ukóbeligwa, kangi ukukóleligwa “babunguluka-bikemo” kangi ni fingi, bo fifyo, linga umwe mukabagila ukwikola pakyene, umwe muli bána basigwana kangi mukaya bána ba Kyala. Ili Bangeli liyobile bububo.

241 Ngólela une “mbunguluka-mwikemo,” linga ugwe kulonda. Ngolela une kilikyosa iki ugwe kulonda. Péne pápo indumbula yángu yikutalusya na Kyala, kangi isyakukindamo syangu sikugoloka ni li Bangeli, une ngubuka nkyene itolo mu njila iyi yilayila. Ena, nkulumba. Ifyo fyo ifi uswe tukwitika. Ikyo kyo kipanga kya Kyala gwabumi, iki kitikwisa munjila ya bufundakyala. Ikyene kitikwisa ukwisila mminogono gamo amapeligwenumundu agamahala. Ikyene kikwisa kyosa ukufuma m’Bwanaloli ubusetuligwa ukuti Yeso Kristi yo Mwana gwa Kyala.

242 Linga une itolo nali na minogono gamahala, panongwa yakuti ikipanga kya Baptisti pamo ikya Methodisti kyálimmanyisye une ukuti filiko ifindu *fyakuti-na-fyakuti*, akabalilo kako une ngupilika isi ili Bangeli, linga ili Bangeli . . . Linga une nályosigwe mu ngamu ya “Tata, Mwana kangi Mbepo Mwikemo,” kangi ngubala ili Bangeli ili, kangi undumbilili ambulaga une ukuti akalipo yumoywene mwi Bangeli siku uyu alyosígwe loli mu Ngamu ya Yesu Kristi, kangi une nabalile ikyene kangi nakibwene ukuti kyáli Bwanaloli, une angali ngubuka kumisi nu bwengo mumo une namanyile. Ena, nkulumba.

243 Linga umunduyumo aalimbulile une ukuti—ukuti Yeso Kristi áli mbumbulusyi unkulumba, kangi ikipanga kyangu kyambulaga une, “Amasiku ga fika gakindile,” kangi une nalondigwaga ukubumbulusigwa, une ngubopelaga nu bwengo itolo ku kigemo mumo une mbagilile ukuti ngabumbulusigwe. Une naloliloli mbagile.

244 Linga une náli ndumbilili kangi une náli nu—nu nkikulu undumbilili nkigemo kyangu, kangi une nábalile mwi Bangeli lila nukuketa ukuti unkikulu akabagililaga ukulumbilila, une angali nunsosisyepo umwene linga ifyene pópe fyángubulaga ikipapa pa nyuma yangu.

245 Kumbukilaga bo ikele kunyuma itolo apo Kalumbu Wright alipo, ikilo kimo, ukuti unkikulu yula angali ansopile une panja pa kifigo panongwa yakubomba ikindukimo bo ikyo. Ena, nkulumba. Une natile, “Ugwe utikwisaga nkipanga kyangu ni fyaiyolo fyako . . .” Akabalilo kala abene bafwalaga,

pamo ukutumula imyenda gyabo mpaka pasi bo ulu, kangi ni kindu ikiboneke kyakusekesya kangi sinda gwa mbili gwábo gukubonekela. Une ndinkuti, “Linga abene bikwisa nkipanga kyangu, une naloliloli ngubasosyaga panja.” Kangi aka akána-akatamie kamo akanini akaiyolo pasi apa, umwene áfwile kakákindile nakabalilo kali'mma ukufuma apo; kangi polelo umwene alinkukolela pa une, ikufwa. Umwene ali ndindwana gwa Kikatolika, alinkwenda ukufyuka pala nukwitugasya pasi na kila bo lula. Une ndinkuketa kunyuma nukummwibilila umwene, ikwitugasya pamwanya apa, abene bimbaga. Ndinkufuula ilikoti lyangu, ndinkwenda ukubuka kunyuma kula, ukubika ukusyungutila pa fibega fyake. Une ndinkuti, “Mama, linga ugwe kuyaga pakumbilikisya une ngulumbilila, ngimba ubagile ugwe ngusuma ukufwala ikijási iki akabalilo kako ugwe guli nkipanga kya Kyala.” Muketile? Naloliloli.

<sup>246</sup> Umwene alinkwikanyanga ukusóka panja pala, ikung'onya imilomo. Umwene alinkusóka panja pa nyumba iyi. Umwene alinkuti, “Linga umwene alinako akiputilo, une ngabagila'mma ukuyitikisya ing'ombe yangu ukuya nu luko lwa kiputilo ako.”

Une ndinkuti, “Somma ukupasya, umwene atisakuyamo nako akene.”

<sup>247</sup> Akabalilo kako uswe twayaga ni kihema, abene balinkungolela une akabalilo kako umwene afwaga. Umwene ali ni mbungo ya ukutoligwa kwa ndumbula, kangi umwene afwaga. Undume alinkwisa. Umwene alinkuti, “Isaga mbibimbibi!” Kangi une náli nkati ndukomano. Undumiana unnywamu, untali, imile pakifigo ikungúlila une. Kangi une ndinkubopa mumo. . .

<sup>248</sup> Une ndinkuya mwigali lyangu nukubopela kula. Bo ngufyuka, une ndinkwagana nu nási ungangale panja pala uyu mpaka na lilino ikwitugala mu Howard Park. Umwene alinkuti, “Ntimi, kukayapo nukulondigwa ukuti gwise.” Ifyene fifwene fyinja malongo mabili ifi fikindilepo, pamo fingipo. Alinkuti, “Umwene afwile.” Alinkuti, “Umwene afwile ukufwana amaminiti matatu.” Alinkuti, “Umwene akutile pamwanya fiyo mumo umwene ábagilile panongwa ya ugwe.” Alinkuti, “Une ndinayo indumi yako.”

Ndinkuti, “Fiki?”

<sup>249</sup> Alinkuti, “Mbula undumbilili yula ukuti une sila náyobile, ‘Ngusuma answege une.’”

<sup>250</sup> Une ndinkubuka pasi pala ukwakunketa umwene. Unkikulu ummogi; kangi unwene akubilwe fiyo. Umwene ali na mabangamabanga ukukilania pa mbulo; unkikulu ummogi. Kangi amabangamabanga, gafwanaga, gikubonekela fiyo. Kangi amaso gake gagutigwe kubumalikisyo ukusóka mfikope, kangi gali sinda ukusymbutukila kunyuma. Ena, a mála gake ni



figo syake syasokilepo pa buyu, kangi umúyi gukusooka posa pa kitala bo lula.

<sup>251</sup> Kangi undume alinkungeta une kangi alinkuti, “Nkundwe Branham, yoba ulwiputo, kabuno umwene alondaga ukukuketa ugwe.”

Une ndinkuti, “Ulwiputo pa mwene lilino lutikubombaga na yimo innunu.”

<sup>252</sup> “Kuko ikipiki kyegamile, ko kuko ikyene kikugwila.” Muketile? “Somma ukusyobigwa; Kyala atikóbeligwa. Kilikyosa iki umundu ikusopa, kilakila umwene ikufunjaga.”

<sup>253</sup> Ngimba umwe mukuketa kuko ikyene kili? Lilino, fiki fyabonike? Keta kwa nkikulu uyu ábagile ukubomba sila. Baketa abakikulu aba báli nu bumi kunyuma kula, bo balindwana abá lukobelo, ngimba umwanake undindwana ali fiki? Unfwalafyabulogwe. Ngimba umwana undindwana gwa mfwalafyabulogwe yo fiki? Untubwa gwa kwasakwa. Ngimba umwanake undindwana ikuyaga fiki? Hum! Ngimba kyo fiki ikyene?

Muketile uluyungu lwa bagolofu?

<sup>254</sup> Keta umwe mwe ba Baptisti. Gomokela kunyuma panandi itolo. Gomokelaga kwa John Smith, uyu yo lwalo lwinu, umwe mwe ba Baptisti. Akabalilo kako, umwene iputege panongwa ya butulwanongwa bwa bandu, mpaka, umwene álilile nukwiputula abandu mpaka amaso gake galinkwigalika kuli kwisula, kangi unkasi áfimbilisigwaga ukunndyesya umwene pa kigemo, ifindu ifyake fyakulubunju.

<sup>255</sup> Kangi umwe ba Methodisti, ukusyungutula apa ni fibangili mu mbulo na mu mbulukutu, kangi mukuboneka sadulo syandubafu isya sétano; kangi mukusóka, mufwele ibundu ni findu bo ifi! Akabalilo kako, John Smith unkangale, yumo mwa bakulumba ba kipanga kya Methodisti, bo akáli ukufwa umwene pa fyinja malongo mahano na matatu-nafihano, álumbilile ubulumbilile ubupimba ifinja finna, pamo, isala inna. Abene báfumbilisigwaga ukumpimba nukuntwala umwene ku kigemo. Kangi aga gali go masyu gake agabumalikisyo. Umwene átile, “Une njetile fiyo panongwa ya ifi bikubomba aba kipanga kya Methodisti.” Alinkuti, “Bope abana balindwana ba kipanga kya Methodisti bikufwala imbete sya golidi pa nyobe syabo.” Ngimba angali ikuyoba fiki lilino, ni bundu isi bikufwala, bikwimba mu kwayala?

<sup>256</sup> Umwe mwabopaga kanunu. Ngimba fiki fyabonike? Umwe mukobomba bo yu mama gwinu. Isyo syo kati kati syene.

<sup>257</sup> Iyo yo nongwa iyi uswe tutikulonda nafimofyene ifipangafipaaguke ifi fikwembela ukusyungutula iki, apa, ukwibika ikimanyilo apa: “Uswe tuli ba Methodisti. Uswe tuli ba

Baptisti.” Uswe tuli itolo ba Kristi. Kileka ikyene injila yilayila, yaga mwabuke.

<sup>258</sup> Lilino, muketile uluyungu lwa liyoka? Ngimba kyo kiliku iki unikikulu bo yula ikuhombaga lilino? Ngimba ikyene kikubombaga fiki? Fiki? Abene bumilisyaga, ukwisa pasi. Abene bábagutile aba Baptisti kunyuma, bábagutile aba Methodisti kunyuma, kyabaguutile aba Presbeterian kunyuma. Ngimba abene babombile siliku? Abene bosa bagomokile ku nyuma, bo yu mama gwabo, undogwe ugwaiyolo. Kula abene bosa baliko, bikubomba ubulogwe bulabula. “Ena, ikyene kitikukindana umma. Abene bafubikigwe. Abene banyafiligwe. Abene, abene bisile ukubomba ukwilamba. Abene begile akabalilo kakwisaya aka miyesi mihano na gumo; abene bakanwile fiyo umma akabalilo kalakala, na fingi. Abene bápelaga bakipanga banunu. Abene bikusopa kanunu pa . . .” O, mwe! Ikyo kikaya nakyo nakimo ukyakubomba ni seke sya Mbepo.

<sup>259</sup> Iseke sya Mbeo syo “Iwitiko,” ukwitika ukuti Yeso Kristi yo yuyo mmayolo, umwisyugu, na bwila; “ulugano” ku bakundwe; “ulusekelo, ulutengano, ukukubilwa-kabalilokatali, ubununu, ukwikola, ubutengamoyo, ubololo, ubufisalyoyo.” Ifyi fyo findu, iseke sya Mbepo.

<sup>260</sup> Kangi uswe tukwega unnyambala, “Mulimosa, umwene—umwene ikwitugala ubumi ubununu pabupalamani.” Momumo ábombile Esau.

<sup>261</sup> Esau akákalasyemo nayumo, kangi Esau ali gwa sétano; loli Yakobo, ukufuma nkifuba kimokyene, ali gwa Kyala. U luyungu lwa sétano, u Luyungu lwa nkikulu. U Luyungu lwa Kyala lukwisa ukukilania.

<sup>262</sup> Lilino, umwe muketile, ikyene kyosa kisile pasi ku iki, ukubuka ku kyo fiki iki kisyele nkisu umwisyugu? Une nguyobaga isi naloliloli mbukali, ukukikomelela iki pasi, polelo uswe tukwandaga ulusasanio ukufuma pa iki, ndukomano ulu lukukonga. Ikyene kifikile mbubonekelo. Kangi, ngusuma, une ndikuyoba iki ukuya mahelu. Une ndikuyoba iki ukuya mbibi. Ikyene kifikile ku buyo ukuya kibugutila kinywamu kyabwiputilo bwa bana ba palisu, abasigwana. Ago masyu gangu ababumalikisyo. Ikyo kyo katikati iki ikyene kisile ukuya. Umwe mumenye ikyo ukuya bwanaloli. Ikyene kifikile kubuyo mpaka ikyene yo ingila-kipanga kangi yaga-gwakipanga, “Bali nalo uluko lwa bunyakyala, bikukana a Maka aga gali mumo,” mpaka ikyene kisile ukuya kipambo kya bana bíputiputi, basigwana. Ikyo kyo katikati ikyene kili.

<sup>263</sup> Ngimba kisyele kiliku? Yilipo iroketi yikwélela kula, nyingi isya isyene, ama bomu ga cobalt ni fingi fyosa. Ifyene fikugulila itolo isala yila ukwisa. Kangi kwisakuyaga ukonanga nu moto mumo kwayilile na misi.

264 Kangi, binangu, kilikyosa iki umwe mukubomba, linga ugwe uli Nkristi kangi ugwe uli na Kyala mu ndumbula yako, kangi ugwe umenye ukuti ukilenie ukufuma ku bufwe ukubuka ku Bumi, ugwe ubagile ukuya mundu unsangaluke ukukinda nkisu kyosa.

265 Akabalilo kako u Mbepo Mwikemo mwa ugwe. . . Akabalilo kako i Libangeli likuyoba, “Yeso Kristi yo yuyo mmayolo, umwisyugu, na bwilanabwila”: ifipangaifipáguke fikuti, “Loli uswe tukwitika ifika fikindile.” Mbepo Mwikemo ikuyoba, “Ameni, Yeso Kristi yo yuyo mmayolo, umwisyugu, na bwila. Polelo kiyege ikylene.”

266 Mumo ili Bangeli likuyobela, “Pinduka kangi mosigwege mwesa ba umwe mu Ngamu ya Yeso Kristi kubufyule bwa mbibi, umwe mwisa kwambililaga u Mbepo Mwikemo. Panongwa yakuti ulufingo luli kwa umwe na baninu, ku Bapanja, bosa abakubutali, na bu bwingi mumo Untwa Kyala gwitu. . .” (Bu bwingi mumo u Ntwa gwitu Kyala isakukólelaga, muketile, somma ba bingi mumo aba Methodisti bisakukolelaga, aba Baptisti bikukolelaga, loli, na bu bwingi mumo Untwa Kyala gwitu isakukolelaga bisakwambililaga Mbepo Mwikemo kangi mósigwege mu Ngamu ya Yeso Kristi, isi ili Bangeli liyobile): akabalilo kako ikyo kikukutika ugwe, ugwe kuyoba, “Ameni!”

267 Ikipanga kiyobile, “O, ikylene kitikupela ubukindane bulibosa umma.”

268 Loli u Mbepo Mwikemo mwa ugwe ikuyoba “ameni” ku Lisyu Lyake.

269 “Umundu atisakuya nu bumi nu nkati gwene, loli i Lisyu ili likufuma pa kanwa ka Kyala.” Mwaketa lelo umwe.

270 Une ngulonda umwe munnangisye une i Lisimbo limolyene papo ilyene lyáyobilemo siku ukuti apulo lyályandile ikindu iki ukwenda lilino. Une ngulonda umwe munnangisye une ukuti abene bálile aba apulo. Une mbanangisye umwe papo Kaini inogonaga ifindu fififyo, kangi papo imbeyu yake yikali yikwinogona ukuti kyo kindu kilakila.

271 Loli ubusetuli bwamwambepo bwa Kyala bukusisimikisya mwi Bangeli, ukuti ikylene kwáli kugonana pakati pa nnyambala nu nkikulu, mwa mwiko. Kula ko bafumilaga abanywamu abatali binu bala. Kula ko kuko ubonangi bwinu bufumile kula. Kula ko ukubola kwinu kufumile. Kula ko kuko ikylene kisile ukusuluka.

272 Lilino, ketesya mu fyosa ifi—ifi, keta u—u liyoka ali na mahala kabilikosa. Imbeyu yake bwila yikuya ya mahala kabilikosa. Kangi une ngulonda ukufyuka pa kigemo iki, nukukola i ikifyusyamasyo iki nkiboko kyangu, ukubika amalundi gangu pamwanya pa kigemo nukuyoba isi. Kangi umwisyugu ngimba bali kugu aba mahala binu abakulumba? Untimi gwinu uyu abukile pasi kangi ali nabo ubumanyi bwa

mmahala bu bwingi, kangi umwene ikwima; umwene yo ntimi gwa fipanga ifikulumba ifi filipo nkisu, kangi na fyosa bo ifyo. Ngimba ko kugu kuko imbeyu ya liyoka yikwitugasya? Mbuyo bwa bandungo abamahala bo aba; abamanyi bandungo, abakomu. Kula ko iyene yiliko. Kula ko kuko umwene alambalele.

273 “Somma mbulagili, somma mmaka, loli mwa Mbepo Gwangu, ikuti Untwa.” Muketile? Kula ko kuko ugwe. . .

274 Kangi ugwe kummwega unkundwe unnini imile pasi pa nguto, ikulila amaso gake panja, kangi lumo imile pasi pala ukukuba iligitala ilikuulu ikuyoba, “Nkundwe, isaga, mwagaga Untwa!”

275 Ntimi ikwendela ndubafu, “Ha!, une ngabagile ukwitikisya ikipanga kyangu. . . Fiki, une ngabagila ukubombela palikimo, ngabagila ukwitikisya. . . ngabagila ukwitikisya Liddy na Johnny na bene ukungéta une nndi pa buyo bwa luko bo ulu.” Kindililaga, gwe luyungu lwa sétano, ugwe kubukaga ku bumalikisyo bwako ubwa bwilanabwila, munjila yiliyosa. Isyo syo bwanaloli. Une angali njobile ilisyu ilingi pala, kangi ndile “bana basigwana,” kangi ikyo kyo itolo kuko ikylene kili. Kabuno, umwe muketile, umwe. . .

276 “Umundu nayumo abagile ukwisa kwa Une pene papo Tata Gwangu ikunkwaba umwene. Kangi bosa aba bikwisa kwa Une, Une nisakubasusyaga mu lisiku ilyabumalikisyo. Kakayapo nakamo aka kisa kutagigwaga. Une ngabile ikylene. Une ngumilisyaga ikylene. Nayumo umundu abagile ukubomba iki, pene papo Iki.”

277 Fyosa figonile mwa Mwene. Umwe mwesa mukabagila ukuyoba, “Une mbombile akandu kamo.” Ilyene lyo lipyana lya Kyala libombile ifyene fyosa. Polelo, une ngabomba nakimo. Une ngáli nakyo nakimo ikyakubomba siku; umwe somma siku, numwe. Umwe siku ukuti kyabafwanaga ikindi kimo. Kyala ábombile akayabo kalikosa ka ikylene. Ugwe siku ukuti gwasanwisye ulobe lwako pa kiyabo kimo mwa ikylene. Ugwe ukáyobile, “Mulimosa, une mfumile nkikolo ikinunu. Une mbombile *iki*.” Ikyo kikaya nakyo nakimo ikyakubomba nikiyene. Kyala yo Uyu Mwene ábombile ikylene; ikisa kya Kyala.

278 Une ngulamba lilino, iyene yikafika fiyo sala ya kalongo na yimo, loli une ngwigalaga, munjila yiliyosa. Muketile?

279 Balinga bikupilikisya ukuti ili Bangeli likuyoba isya findu ifi ukuya Bwanaloli? Umwe bandu ba Branham Tabernacle fiyofiyo. Lilino, ikyo itolo ukufwana kimo mwa findu kalongo na fihano-na-kimo fya ifi uswe tukumanyisya nukwitika. Loli, kumbukilaga, kwa umwe bahesya une mbagile ukuyoba isi, umwe mwe bandu aba mutikwisa kuno ukuya bamo na uswe. Injila iyi uswe tukwitika iki, ukuti *Ili* lyo Libangeli, kangi Libangeli lyo Bwanaloli bwa Kyala.

280 Kangi uswe tukwitika, ukuti, mu Lwitikano Ulukulu, lilino, abene bali nayo injila yakumanyila iki kyáli bwanaloli na iki kikali bwanaloli.

281 Lilino, uswe twesa tumenye ukuti abene bali nu lulagilo ulusimbigwe. Balinga bamenye isyo? Ululagilo, i—i ingomelesyo syáli mu libokosi lya lwitikano na fyosa; syosa sili kanunu, kangi ululagilo pa ngomelesyo. Ulwene lyayobile, “Ugwe komma ukutulwa ubulogwe. Aligwesa uyu ikutulwa ubulogwe ikutunyigwaga.” Muketile? Iyo yáli i—i ingomelesyo, kangi ululagilo pa ngomelesyo. Lilino, ilibokosi lya lwitikano likalaga bo *ulu*; ingomelesyo syali nkati mula, kangi indagilo sya ngomelesyo syáli mu nyambi ndubafu lwa bokosi lya lwitikano. Linga umundu isaga pasi apa, kangu atulilwe ubulogwe; abene bafikilaga pasi apa nukwega kikyo ululagilo lwáyobaga “ntunya umwene.” Abene bammwegaga umwene itolo panja nukuntunya umwene. Ikyo kyo ululagilo lwáli pa lukomelesyo.

282 Lilino, abene bali nasyo injila ibili isingi isya kumanyila. Silipo bwila sitatu ukuya kusionikisya. Abene bali nayo injila iyingi iya kumanyila, kangi yila yali pamo unsololi pamo unogogwanjosi. Balinga bamenye isyo? “Linga alipo yumo mwa umwe uyu gwamwambepo, pamo nsololi, Une ne Ntwa ngwisa kwimanyisyaga Nimwene ku mwene mu njosi, kangi ukuyoba nagwe ukwendela mu mboniboni.” Uko ko kutalusya. Lilino, umwene áli nsololi.

283 Lilino, linga umundu aligwesa isaga ukusyungutila nukuti, “O, Haleluya, une ndinakyo ikyene! Une ngusolola lilino mu Ngamu ya Ntwa. Une ndinabo ubusetuli.” Abene bakákilekaga ikyo kibukege lulalula, mumo mwe bandu umwe mukubombela. Abene bákiketesyaga ikyo ukwisila kwa Kyala, ikyakwanda.

284 Lilino, pa sahaniyapakipambaga pa Aaron abene baali nakyo iki bakikolelaga Urim Thummim. Balinga bapilikemo ilisyo ilyo? Ngimba ikyene kyaali fiki? Gali mabwe kalongo na mabili, mahano na limo ulubafu lulilosa aga ba tata baiyolo kalongo na babili; yaspala, Yudah, na bosa, ukwikilila mpaka amabwe kalongo na mabili. Kangi polelo abene bamwimikaga unsololi uyu pamo unogogwanjosi, kangi abene bapayikaga ikyapakipambaga iki mmwanya, kangi abene bammwimikaga umwene pala. Kangi abene balinkuti, “Lilino, solola nukuyoba ubusololi bwako.”

“Untwa ayobile kwa une kangi ayobile ikindu kyakuti—kyakuti.”

285 Kali ikyene kyabonekaga ukuya kyábwanaloliloli, ikyene kyabagile ukupilikigwa ukuya ikyene mbupelelesye bwanaloli. Loli linga imuli sila sikisaga palikimo nukupela ilangi ya kipingafula ukukilania pala, Urim Thummim, imuli sila ukufulugania palikimo, ikikindifepeligwa kikubomba, ukusionikisya. Muketile, Kyala bwila ikusionikisya Ilisyu

Lyake. Muketile? Kangi ulumuli ulukindefipeligwa lula lukabalile pala, polelo une ndikupasya mumo ikyene kyafwanilaga ukuya kyanaloliloli, ikyene kyali kisobi.

<sup>286</sup> Linga unogogwanjosi atile, “Une ngogwile injosi, kangi injosi iyi yiyobile, ukuti, ‘Israeli asámege kangi abuke kubuyo ubwakuti, panongwa yakuti aba Syria bikwisaga kulubafu ulu nukumata ikyene.’” Abene begaga unogogwanjosi yula kula; umwene áyobaga injosi yake. Linga imuli sila sikámulikaga ukukilania pala, umwene ali nsobi, kali bulebule. . . .Linga aba Syria balitendendekisye mbwite itolo, umwene ali nsobi. Umma, nkulumba. Abene, naloliloli, ikyene kyabagile ukusisimikisigwa na Urim Thummim.

<sup>287</sup> Lilino aligwesa amenye ukuti ubuputi ubwaiyolo bukindile, bumalike, kangi Urim Thummim abukile nu bwene. Uswe tumenye isyo, bule?

<sup>288</sup> Kangi ubuputi ubupya bwisile. Fiki? Ngimba uswes tulinakyo ukuya Urim Thummim umwisyugu? Ena, nkulumba. Iliysu Iya Kyala! Ena, nkulumba. *Ili* Iyo Ilyene. Linga umundu aligwesa ali nu luko lwa busetuli luki, pamo kilikyosa iki ikuyoba, pamo ikimanyisyo iki kitikufwana ni- . . .kangi ukwitikisiana ni Libangeli, ukukinda m’Masimbo gosa, umwene asobile. Une ndikupasya umwene gwa kipangakipaaguke kiliku, mumo umwene ayilile ubununu, mumo umwene gwandungo, mumo umwene amanyiile; umwene asobile.

<sup>289</sup> Kangi akabalilo kako umundu aligwesa ikubabula umwe ifindu ifi uswe tumanyisye apa nkipanga lilino, kangi ikubabula umwe, ukuti, “Linga umwe munyafiligwe, ikyene kili kanunu,” umwene ababúlile umwe ubutungulu. Ikyo kitisamwekuka pa Urim Thummim. Akabalilo kako umwene ikubabula umwe, ukuti, “Ukonelela kuli kanunu,” umwene ababuulile umwe ubutungulu. Umwene ikibabula umwe, “Ukósigwa mu ngamu ya ‘Tata, Mwana, Mbepo Mwikemo,’ kuli kanunu,” umwene ababulile umwe ubutungulu. Linga umwene ikubabula umwe, “Amasiku ga fika gakindile,” umwene ababulile umwe ubutungulu. Linga umwene ikubabula umwe, “Ukwene kununu abakikulu ukulumbilila,” umwene ababulile umwe ubutungulu. Linga umwene ikubabula umwe, “Ukwene kuli kanunu kwa umwe umwe ukukindilila nukwibaniliila ku fipangafipaaguke fyinu,” umwene ababulile umwe ubutungulu. Ikyo kitisakumwekuka pa Urim Thummim. Kangi amalongo ga findu ifi fisookile ukufuma mula mwa “MAMA NDOGWE,” ugwaiyolo kangi ukwisa ukusuluka kula, kangi iyo yo nongwa uswe tukwepukako ukufuma kufipangafipaaguke.

<sup>290</sup> Uswe tubaganile abakundwe na bakalumbu bitu aba bali kula kufipangafipaaguke. Loli ugwe komma ukubuka nukuyoba, “Une ndi gwa Methodisti,” kangi iki kitikupela ugwe ukuya Nkristi kwa une. Ugwe guli Nkristi panongwa

yakuti ugwe upapigwe mwa Mbepo gwa Kyala. Ugwe utikufimbilisigwa ukuya gwa Methodististi pamo Baptisti. Ugwe utikufimbilisigwa ukuya kimo mwa ikyene. Ugwe itolo kufimbilisigwa ukupapigwa mwa Mbepo gwa Kyala. Ngimba ugwe kwitika iki?

<sup>291</sup> Ukufuma pa lwalo ulu, linga aligwesa ali apa kangi ikulonda ukwitikisania kangi ukwisa mbwinitu bwa lwiputo ulu, kangi ikulonda ukuya—ikulonda ukwibisigwa, ukosigwa mu Ngamu ya Yeso Kristi, apa kilipo ikitubwi. Abene bikósyaga nkabalilo kanandi itolo.

<sup>292</sup> Linga alipo aligwesa, bingi muno, aligwesa uyu ikulonda ukwisa, mu njila yili yosa iyingi? Uswe tulipo. Uko ko kotalusya.

<sup>293</sup> Lilino, uswe tuli—uswe tukayanabo ubumbakasya; ugwe itolo gwisege itolo ku kipanga iki. Uswe tukwitika ukuti Kristi ali nkipanga kya Methodististi, kipanga kya Baptisti, kipanga kya Presbeterian. Umwene ali nu tumbakasya mwa kilikyosa kya ifyene. Loli iki kyo kisobile umwisyugu; kyo busololi bwabutungulu ukutwala ifindu fila panja, ifimanyisyo fya fipanga fila, ifi fili naloliloli kubutali ni Libangeli.

<sup>294</sup> Lilino, linga yumo apelaga Ikyo ukuya kipilikisigwe fiyo kumyangu, une nalóli mbagíle ukwega nimwene... Une ngwitika alimo Mbepo gwa Kyala umfwane mmyangu ukulondesya mwi Bangeli lila posa nukwisa ukusipela isyene ndalusye. Linga une itolo nálísile nukuponania amaboko nu ndumbilili, nukubika ingamu yangu pa buku, loli nákáli náli nu bubenge kangi nakabini mu ndumbula yangu, kangi nákáli náli ni bufi nukulwana, kangi nákáli ngumwilamwa Yeso Kristi ukuya yo Mbumbulusyi unkulumba, kangi ni fingi bo ifyo, une ngwigolosyaga na Kyala, mbibimbibi itolo. Une naloliloli ngwitika une mbagile. Une—une angali nguya gwabwanaloli mu ndumbula ukufwana ni kyene. Une angali ngwigolosya na Kyala. Linga une itolo nibanililaga panongwa yakuti une náli gwa Baptisti pamo Methodististi, une ngbukaga mula nukwega IkiKristi mu ndumbula yangu. Une angali ngubomba ikyo. Ena, nkulumba.

<sup>295</sup> Lilino kumbukilaga ulusasanio ulu lukwisa, ulu lukwandaga, Untwa iganege, ikilo kya Kitatu iki kikwisa. Ikyene kyo pa lwalo ulu.

<sup>296</sup> Pilikisya, mwebinangu, aliko Kyala ugwabwanaloli kangi ugwabumi. Uko ko kotalusya. Yeso Kristi yo Mwanundumiana gwa Kyala. U Mbepo Mwikemo ali mu Kipanga umwisyugu.

<sup>297</sup> Lilino, linga une náli nagwe yumo ukumbúla une isyo, une angali ndinabo ubwábuke ukwilamwa ikyene. Loli pilikisya. Ilisiku limo kula bo une ndi ndumiana unnini, une nálímile pasi pa kipiki; une nalimbwene Umwene. Une nálímpilike Umwene. Umwene alimbulile une, alinkuti, “Umilisyaga ukuya kubutali na bakikulu aba bole bala. Yaga kubutali ni ngambo. Yaga

kubutali na mahelu, ukunwa, kangu nifindu fyosa ifi. Une ndinimbombo na ugwe ukuti ubombe akabalilo kako ugwe kuyaga nkusi.” Une mmenye Umwene gwabwanalololi, Kyala gwabumi uyu ukwitikisyana ni Lisyu Lyake.

<sup>298</sup> Akabalilo kako une nayaga nkusipo, mumo Umwene áyagene na nine, mumo Umwene áyobelaga kwa une! Mumo une nalimbonile Umwene kula, ukuya bo lusingi lwákupya, kangu u Moto gula gwendaga ukusyungutila kula! Mumo une nálimbonile Umwene ikuyoba nukumbula katikati itolo ifi fisakubombigwaga; kangu, akabalilo kosa, kikukoma nubupelelesye itolo mumo ikyene kibagile ukuya, kipelelesye bo ulu.

<sup>299</sup> Yo yulayula Yuyo ikuyoba ifindu ifipelesye bo ifyo, yo yulayla Yuyo Umwene ikumbaka une ukumanyisya ili Bangeli ili itolo munjila iyi une ngumanyisyila Ilyene. Uko ko kutalusya. Polelo, Ikyene kikufuma kwa Kyala. Kwa une, ikyene yo Kyala Mwenemaka, kangu Umwene yo yuyo mmayolo, umwisyugu, na bwila.

<sup>300</sup> Yeso aatile, “Une ngufuma kwa Tata kangu ngubuka kwa Tata.” Akabalilo kako Umwene ikwisa. . .

<sup>301</sup> Akabalilo kako Umwene ali Kyala mmatengele, Umwene ali Lumuli ulu lwakaga. Kangu balinga bamenye ikyo? Umwene áli Lumuli ulwakwaka, i Mbanda ya Moto.

<sup>302</sup> Kangu Umwene ikwisa apa pa kisu, kangu Umwene alinkuti, “Une ngwisa ukufuma kwa Tata kangu Une ngubuka. . . Une ngwisa ukufuma kwa Kyala kangu Une ngubuka ukugomokela kwa Kyala.”

<sup>303</sup> Akabalilo kako Umwene afwege, ukusyuka kangu, kangu Pauli, pa njila yake yaku Damasko alinkwagana nu Mwene kangu, ngimba Umwene ali fiki? Pópe Mbanda ya Moto. Ena, nkulumba.

<sup>304</sup> Ngimba Umwene abombile fiki akabalilo kako Umwene áli pa kisu kya pasi? Ngimba Umwene abombile fiki akabalilo kako Umwene aganege na Pauli? Ngimba Umwene alintumile bulebule umwene? Umwene alinkutuma umwene ku nsololi uyu alimbulile umwene mumo ukósigwa kubagilile ukubombigwa, alinkumbula umwene isyakubomba; alinkubika amaboko gake pa mwene ukuti abumbulusigwe, alinkumbula umwene ukuti aketile imboniboni.

<sup>305</sup> Yulayula Yeso ali apa umwisyugu, ikubomba ifindu filafila kangu akáli yilayila i Mbanda ya Moto, ikumanyisya ifindu filafila kangu nukusisimikisya ikyene ukwisila mu Lisyu Lyake kangu mu fika ni fiswigisyo. Une nsangalwike fiyo ukuya Nkristi, une ngamanya isyakuti mbombe. Une nsangalwike ukuti ugwe ulu Nkristi.



<sup>306</sup> Kangi umwe, bakitembe apa, une mbabulile umwe uswe tukusanusyaga ingamu ya apa. Ukwene kukaya kutalusye ukuti ikyene kiyege Branham Tabernacle. Uyo yo mundu itolo, muketile. Uswe tukusanusyaga ingamu ya ikyene, ukukupela ikyene ukuya ingamu iyingi. Uswe tukwisa ku ikyo mkabalilo kanandi. Une ngulonda ikyene ukuya ki—ki kipanga kwa Kyala gwa bumi. Une ndikulonda ikyene Methodisti, Presbyterian, Pentekosti. Une . . .

<sup>307</sup> Abandu bosa bala une mbaganile ni ndumbula yangu yosa. Une ndikumanya ukuti yo aliku uyu yo uyu. Une ngabagila ukubabula umwe. Une itolo mbagile ukulumbilila Ilisyu. Une ngutaga ulwelo kangi ngukwabila nkati. Filipino ifyula, balimo abalutatafi ba mmisi, silimo injoka, kangi silimo iswi syope. Ifyo fili kwa Kyala ukutumula ifyo. Une ngukwaba itolo ulwelo, itolo ukulumbilila Ilisyu nukukwabila nkati nukuyoba, “Ambililaga abene, gwe Ntwa, posa ukusyungutila ikigemo. Ugwe umenye Abako Gwimwene; Ugwe gubamenye abene ukufuma ku lwalo. Une ngamanya uyu ukufuma kwa uyu. Ugwe umenye, polelo ifyene fili kwa Ugwe, Ntwa. Ikyo kyo kinunu ikikinde iki une mbagile ukubomba. Une ngubukaga uko nukusopa ulwelo pabuyobumo ubungi lilino nukuyolela ikibugutila ikingi nkati. Isyo syo une mbagile ukubomba.” Umma ndaga.

O une ngwipilika ukuya ngukindilila,  
 Une ngwipilika ukuya ngukindilila;  
 Akangu Akaya ka Kumwanya kabala kangi  
 kamogi,  
 Kangi une ngwipilika ukuya ngukindilila.

<sup>308</sup> Lilino, kumbukilaga, aligwesa ukulonda ukuligana, nkolelaga pa foni itolo Tata. Mercier apa: BUtler 2-1519. [Inambala ya telefoni yisanusigwe.—Nsimbi.] Uswe twisakuyaga basangaluke ukuketana na nugwe. Linga abaganigwa binu bikwisa kangi bikufimbilisigwa ukusoka mbibimbibi akabalilo ka lusasano . . . Lilino une ngubuka ukufuma ikilo iki ukubuka kwanimwene nukubuka amasiku mabili lilino kwa nimwene.

<sup>309</sup> Une itolo ngwingila mula kangi ngubuka ukubala bo ulu, “Gwe Ntwa, Ugwe uli kifuki nanine. Une mmenye ukuti Ugwe uli apa. Kangi i Lisyu Lyako lyáyobile Ugwe kusegelela kifuki na babo bikuya kifuki na Ugwe.” Une ngumilisyaga ukwiputa kangi nukuketesya mpaka une nguketa Imbanda ya Moto yikwanda ukwenda. Une ngumanya ukwene kwitendekisya popapo. Palapala une ngubuka ku kigemo ku bulumbilili bwa bubumbulusyo, ukwiputa, kangi ukubomba fifyo une mbagile ukubatula ababine na bónywa.

<sup>310</sup> Uswe tukupaalisya ikisa kyinu kyosa lilino. Kangi akabalilo kako umwe mukwisa, mwisege mukwitika, kangi uswe tukugulila ukuya nu lukomano ulununu. Une ngulonda njobe ukuti . . .

311 Nkundwe Jeffries, ngimba umwene ali apa ikilo iki? Uswe tukulonda ukupálisya Nkundwe Jeffries ni mbombo yake. Une ngusubila umwene agomokile ku fisungo na kubungi.

312 Nsangalwike pakubabona u Nkundwe na Kalumbu Wright, na mwebingi ba umwe mwe bandu apa.

313 Une numbwene ugwandagilo Robertson apa pitasipo, ikwingila pitasipo. Une ngulonda ukuntufya umwene pa—pa ndumi yake umwene alumbilile ilisiku limo. Nayumo ayobilepo ywani ali umwene. Kila kyáli kyakusy'isoni. Umwene áli nubumbilili ubununu fiyofiyo pa fyabusololi, ikindukimo bo iki nalumbililaga ikilo iki.

314 Kangi, polelo, akabalilo kala álipo undumbilili uyungi apa ulubunju ulu, pamo ikilo iki kyakindaga, Nkundwe Smith, ukufuma ku kipanga kya Methodististi...pamo ukufuma ku kipanga kya Church of God, ukukilania apa. Une ngamanya ukuti kali umwene ali apa ikilo iki, pamo umma. Linga ugwe pamo kwimilila nkigemo iki nukuketa kunyuma injila iyi, ikyene kikafu ukuti ukindanisye; ikyene kikapeme, umwe muketile, kangi ugwe ukabagila ukindanisya. Lingwa ugwe uli apa, Nkundwe Smith, uswe tukupálisya ugwe.

315 Kangi ngimba akaya uyu utugele papapa apa unkundwe unnini uyu ikufuma ku Georgia, kunyuma kuno kuno itugesya kifuki na Nkundwe Collins? [Nkundwe Neville ikuyoba, “Ena.”—Nsimbil.] Nsangalwike ukukubona ugwe uli kuno kangi ikilo iki, nkundwe.

316 Kangi mwe bangi mwesa ba umwe, mwesa ba umwe, aligwesa akumenye ukuti ugwe gwe ani.

317 Une ngusubila uyu yo kalumbu nu nkundwe apa aba bábukile nukummwiputula undindwana akabalilo kala, papapa apa, u dokotala itugele apa palubafu. Untwa akusaye ugwe, dokotala.

318 Lilino, ngusuma komma ukusulumania na une, umwe balumbilili na bakundwe, panongwa ya mumo une ngukomelela iki nkati itolo mbukafu mumo une mbagilile. Iki kyo kitembe kyitu. Ikyene kyo iki uswe tukwimililapo, kangi uswe tukulonda ukukilambalika Ikyene kitalusye pa Lisyu lila, kangi nukusugania ifyene ni Kyene. Popapo, linga ugwe kuyaga siku palubafu lwa lukindi, uswe tukwisaga ukugomokela nukuyoba, “Ugwe umenye kanunupo. Kili apa ikyene pa tepi.” Muketile? Ugwe ambulilaga papapa. “Kili apa Ikyene pa tepi.”

319 Uswe tulinakyo ikilundiko kyosa ikinine iki kibagile ukukindilila apa, Leo. Loli, loli uswe...Ugwe ulinakyo ikinywamu bo ulu. Umwe mumilisiyege itolo na Ikyo, kangi tukwegaga ifi fisyalikiile ifya Ikyene nkabalilo kanandi. Bo umundu, alyaga ilitiki, alinkuti, “Ilyo lyáli linyafu fiyo, loli lilipo apa ilingipo ilya ilyene.” Polelo uswe tulinakyo ikilundiko kya Ikyene ikinywamupo iki fikáli ukwisa.

320 Untwa abasaye umwe, naloliloli kanunu lilino. Akabalilo kako uswe. . . Tukuyaga nulosyo itolo lilino. Ngimba ikyo kyo kitalusye, Nkundwe Neville? [Nkundwe Neville ikuyoba, “Ena, une ngwitika sili momumo.”—Nsimbi.] Ngimba alipo yumo apa ikuyagapakosigwa itolo lilino? Uswe tutikupasya umma ukuti yogwe ywani; uswe—uswe twitendekisye ukosya. Inusya ifiboko fyinu, aba bayaga pakosigwa. Yumo, une ngusubila alipo u. . . Apa alipo unkikulu apa. Kangi ngimba álipo uyingi kangi? Lilino, uswe tulinagyo imyenda apa igya bosa banyambala na bakikulu.

321 Lilino, uswe tutikuyoba, “Musokeko ku kipanga kya Baptisti umma. Sokako ku kipanga kya Methodisti umma.” Uswe tutikuyoba. Ugwe bukaga gomokelaga kuko ku kipanga kyako. Loli linga ukósigwa ukufwana ni Lisimbo, mu Ngamu ya Ntwa Yeso. . . Komma mu Ngamu ya “Yeso” yene umma, lilino. Mu Ngamu ya “Ntwa Yeso Kristi,” ilyo lyo Lisimbo. Ugwe gósigwe mbusobi.

322 Une ndikulonda ulutamio na lumu akabalilo kako une ngwisa ku lusoko. Une ngulonda ikindu kilikyosa kiswepano mumo une mmanyile, akabalilo kako une ngolelile ili tikiti, muketile, kabuno une ngulonda ukufyuka akabalilo kalakala. Une mbagile ukubapapo ulufundo ukubomba fififi.

323 Gomokelaga ku kipanga kyako. Ikyene kilipo, pakati pa ugwe na Kyala. Fyo fyosa ifi une mbagile ukukubula ugwe.

324 Loli akayapo nayumo mu Lisimbo alyosigwe mu njila iyingi loli mu Ngamu ya “Ntwa Yeso Kristi.” Kangi babo aba balyósigwe balagililigwe na Pauli Mwikemo, uyu ayobile, “Linga ugwandumi alumbililaga akandu kalikosa akangi, ndeke umwene agunigwege.” Alinkulagila kubene ukwisa nu kosigwa, kabubili, mu Ngamu ya “Ntwa Yeso Kristi.” Uko ko kotalusya. Kangi umwene ábombile ikyene. Kangi abombile fiki, umwene atulagilaga uswe ukubomba; ifyo fyo uswe tukubombaga, Kyala itikisyege.

Uswe tukwitika mu kusukusulisanía mmalundi. Uswe tukwitika mu kulilapalikomo.

325 Uswe tukwitika mu Kwisa kwakibili kwa Kristi, umbili gwa Ntwa umboneke umpalamasigwe; somma Mbepo, loli umbili gugo umpalamasigwe ugwa Ntwa Yeso ikwisa kangi ndwimiko.

326 Uswe tukwitika mukusyuka kuko ukukoligwe ukwa bafwe, ukwambilila umbili, komma unkangale nugwánginya mumo uswe tukubukila mwipumba; low umpya m’bumogi bulabula ubwa butubwa, ukuya nu bumi bwila.

327 Uswe tukwitika mu kusitakufwa kwa bumi, kubumalikisyo. Uswe tukwitika lulipo uluko lumolwene itolo ulwa Bumi bwa Syepwa, kangi ubwene bo Bumi ubu ugwe kwegga ukufuma kwa Kristi Yeso. Isyo syo katikati kotalusya.

<sup>328</sup> Polelo, uswe tutikwitika mu kukubilwa kwa Syepwa. Uswe tukwitika mu gehena-gwamoto, ukupya na mabwe ga sufuri, uswe tutikwitika ukwene kukupya syepwa; linga ukwene kukubomba, ugwe ulinabo Ubumi bwa Syepwa. Bulipo bumobwene itolo Ubumi bwa Syepwa; Ubo bukwisa ukufuma kwa Kyala. Isyo syo kotalusya. Ugwe kwisakókigwaga lumo pa fyinja maelifu maelifu, ifyinja maelifu maelifu kalongo, une ngamanya, loli ugwe ukabagila ukuya nu Bumi bwa Syepwa. Ugwe ukabagila ukokigwa bwila. . . Ugwe ubagile ukokigwa bwila loli somma Syepwa. Muketile, bulipo ubukindane pakati pa Syepwa na bwila. *Bwila* yo bwila na bwila, ukongania, kokuti “ubuyo bwa kabalilo.” Loli Syepwa, ugwe ukaya nalo ulufundo lwa Syepwa.

<sup>329</sup> Ugwe uli nabo Ubumi bwa Syepwa, kabuno lulilko uluko lumolwene ulwa Bumi bwa Syepwa. Kangi umwene uyu alinabo u Bumi bwa Syepwa, ikuyanubumi kangi asayigwe na Kyala bwila.

<sup>330</sup> “Loli ubumi ubu bukonanga, ubumi bula bwisaku. . .” Fiki? [Ikilundilo kikuti, “Kufwa.”—Nsimbi.] Uko ko kotalusya. Polelo, ubwene bukaya nabo u Bumi bwa Syepwa. Naloliloli. Ubwene buli—ubwene bulinako ukukubilwa kwake, loli somma Ubumi bwa Syepwa.

<sup>331</sup> Polelo, umwe muketile filipo ifindu fingi ifi fikáli fikamanyisigwa, uswe tukwisaga munkyeni umo. Untwa abasayege umwe.

<sup>332</sup> Lilino unko uswe twimbe ulusumo ulukulu ulununu ulu akabalilo kako u kalumbu gwitu ikubuka pala. Une ngusubila unkikulu apa abagile. . .

<sup>333</sup> Rosella, ngimba uyo yo nyoko? [Kalumbu Rosella ikuyoba, “Ena.”—Nsimbi.] Fiki, asayege indumbula yako! Nsangalwike ukukubona ugwe, kalumbu, kubomba isi. Isyo silikanunu fiyo.

<sup>334</sup> Rosella Griffin, yumo mwa binitu abanini abanunu ukukinda aba uswe twayaga nabo. Umwene yo nkikulu ntubwa uyu ali kinwelwa; kwa mwe bamo umwe mwe bandu apa, abagile ukuya nhesya. Rosella komma ukumbakikisya une apa nguyoba isyo. Akabalilo kako umwene áfyukaga pala pakigemo pamwanya pala ku—ku kuko. . . pamwanya apa mu Indiana. Ugwe ukambonamo umpelakisa, umwene ali yumo mwa bene, kinwelwa unsyumbutukamaso. Kuko, abadokotala abakulumba bana abá ku Chicago bátile umwene yo. . . Aba Alcoholics Anonymous, na balibosa bangi, balinkutoligwa nagwe umwene. Loli ikilo kimo akabalilo kako umwene isege ndukomano, Mbepo Mwikemo alikufuluputula ubumi bwake, nukumbula umwene palapala itolo. Kila kyamalilinongwa iya ikyene.

<sup>335</sup> Keta ku mwene lilino, une ngusakikisya ifyinja malongo matatu nifyinjafimo mbukusi, akindila pa kalongo na fihano na fitatu; unganigwa, unkikulu ummogi untubwa. Akónjamo

kachasyu kangi umma ukufuma palapala; ikyumilwa kangi umma. Ikuyanubumi kwa Kristi, ikubuka ukusyungutila mu ngindi kulikosa, ikubikila ubuketi ku lwimiko lwa Kyala, ku bonangi na bákinwelwa, mosa ukukinda ingindi indelemuke, kangi na filifyosa ifingi, mosa mu Chicago, ikubomba ikindukimo kwa Ntwa.

<sup>336</sup> Umwene alyosigwe mu Ngamu ya Ntwa Yeso, kangi unna isile ikilo iki ukubomba bo lulalula; linga u Kyala abagile ukumbumbulusya umwene, linga Yeso abagile ukumbumbulusya umwene. . . “Kalikosa aka ugwe kubomba ndisyu pamo mu mbombo, bomba akene mu Ngamu ya. . .” [Ikilundilo kikuti, “Yeso Kristi.”—Nsimbi.] Isyo syo ili Bangeli lyayobile. Isyo syo syabwanaloli.

<sup>337</sup> Syosa silikanunu, lilino, uswe tukuyaga nu losyo. Uswe tukusimisyaga imuli itolo pa kabalilo kanandi akabalilo kako uswe tukwitendendekesya ku mbombo, ukósigwa, kangi—kangi uswe tukugúlilaga akabalilo akanunu mwa Ntwa.

<sup>338</sup> Ngimba umwe mukubombaga ulosyo ikilo iki? Umma ndaga, umwe kinunupo—ugwe kinunupo mwitendendekesye lilino. Kangi une ngwandaga, une ngulongolelaga mu nyimbo ni fingi, akabalilo kako uswe tukukindilila polelo. Akablilo kosa aka abene bikutendeka. . . [Nkundwe Neville ikuyoba, “Ngimba gilipo imyenda gya losyo, Doc?”—Nsimbi.] Imyenda gya losyo, Doc, mbibimbibi. Umma ndaga.

<sup>339</sup> Unko uswe twimbe itolo yimo mwa inyimbo ingulu isi. . . [Ubuyo busitakandu pa tepi—Nsimbi.]

<sup>340</sup> Kangi mpaka uswe tukubomba ikyo, bo uswe tukusóka, uswe tukufimbilisigwa ukubomba sisisi?

Ega i Ngamu ya Yeso na uswe,  
Tukugwa bulambalale pa malundi Gake,  
Mwalafyale gwa banyafyale ku Mwanja, uswe  
tusakumfwika ingiga Umwene,  
Akabalilo kako ubulendo bwitu bumalike.

Umma ndaga, imilila pa malundi gitu.

Ega i Ngamu ya Yesu na ugwe  
Mwana wa busulumanie ni soka;  
Ikyene kikapaga ubusangaluke  
nukubatamisa ugwe. . .

<sup>341</sup> Une ngubabula umwe isi uswe unko tubombe. Syumbutukaga apo kangi kola amaboko apo, kangi mutigi, “Mubombile, nkundwe? Une naloliloli nsangalwike ukuya ndukomano.”

Mbala i Ngamu, O bo bunyafu buki!  
. . . busangaluke bwa Kumwanja.  
Mbala i Ngamu, mbala i Ngamu, O. . .



*ULUYUNGU LWA LIYOKA* KYA58-0928E

(The Serpent's Seed)

Ubulumbilili ubu butwaligwe nu Nkundwe William Marrion Branham, ubu pakwanda bwatwaligwe nki Ngereza pa Ndungu namayolo, Seputembala 28, 1958, ku Branham Tabernacle mu Jeffersonville, Indiana, U.S.A., bwegigwe pa busimbe bwa tepi ya magneto kangi busimbigwe kisitakutumula mu ki Ngereza. Ukusimba ukwa mu Kyangonde ubu bwasanusigwe nu kuyabanisigwa na ba Voice of God Recordings.

KYANGONDE

©2022 VGR, ALL RIGHTS RESERVED

VOICE OF GOD RECORDINGS

P.O. BOX 950, JEFFERSONVILLE, INDIANA 47131 U.S.A.

[www.branham.org](http://www.branham.org)

## Ukusasania isya kwegwelelakwegelela

Ukusoka isya kwegwelelakwegelela. Ubwabuke bosa bukanisigwe. Ilibuku ili libagile ukubindikisigwa mfikalatasi pa kompyuta ya kunyumba ukuti ufibombelege imbombo yuyugwe pamo ukubayabilako abangi, kisita kuhombigwa, fiyege fyombo fyakubombela imbombo pakusasania Inongwa inunu isya Yeso Kristi. Ilibuku ili likabagila ukuulisigwa, pamo ukubindigwa ukuti gayege mingimingi, pamo ukusanusigwa pa webusaiti, pamo ukubikigwa mmakina agakusungasunga, pamo ukusanusigwa mu ndimi isingi, pamo ukulibombela imbombo iyakusyagilamo ihela kisita kwitikisigwa mwakalata unsimbigwe ugwa Voice Of God Recordings®.

Linga kulonda upilike inyingi pamo ifyombo ifingi ifi filipo ulisimbilaga ku:

VOICE OF GOD RECORDINGS  
P.O. Box 950, JEFFERSONVILLE, INDIANA 47131 U.S.A.  
[www.branham.org](http://www.branham.org)